

第一千二百四十九種

東塘集二十卷

宋袁說友撰

清乾隆翰林院抄本
四冊

集別集 宋
5887

欽定四庫全書

東塘集卷一

宋 袁說友 撰

五言古詩

連宵得雨應禱

蜀旱昔流行皇恩念凋瘵飢寒乏冬酒烹剝仰春菜二
麥儻復失一飽竟安在當春苦旱乾甘澤未沾沛奔走
山川靈翻覆雲雨改連宵建瓴水萬畝輕花穗如渴飲
得泉如病藥得瘥高原沃清潤熱蒸蒙濯灑只今麥隴

收可以日月待喜氣挂珠玉詞源擁濤瀨自憐憂國願
窘似生體疥得此霖霖益遂入清涼界容我早歸田懷

章東望拜

案此詩上去二聲互押集
中此類甚多今悉仍其舊

被旨許浦閱舟歸

皇家百萬兵一一拱行闕盼恩勞軍士有詔消良月鳴
鑿肅天仗君王自親閱旌旗照鞞鼓鎧甲耀冰雪金繒
辱君賜再拜蒿呼疊天子曰嘻哉長江殆虛設雲屯皆
壯士寧有中外別迺命臣某某腆犒均行列許之問軍

旅利害與優劣臣聞疇昔論舟師利通捷出入如風馳
進退如電掣鄉來經始意規置有餘烈更張一何誤事
亦隨廢缺橫舟卧平沙螯胄半折裂蒙衝纔什五水卒
無彙傑祇今衆弊見噤不一語決徃徃憂國者無路伸
喙舌小臣愧不敏銜命紆華節願陳一得慮竹頭而木
屑方畧許圖上稽首思罄竭君王赦其愚臣敢畢其說

書懷二首

攤書志尚友吐吐心如癡上言思堯舜下言商龍夔搜

竒日有富得句中自怡家人問產業即曰非所知
古人不可見古書今可求尋源謝潢汙至味損珍羞朝
曦去還至夜炬燃復休從此飽文字不聞飢餓愁

采石遇順風

我觀挽強弓去鏃不可止弓力小有盡所至亦無幾又
觀鴻鵠飛冲霄勢難已天高羽翼倦俄復知還矣何如
我行舟雄風東北起危檣張橫幅波濤湧前水青山掠
窻戶白浪送舟尾快哉一帆速何止萬牛比飛蓬偶颺

灑稚子且憂喜衆曰無彼懼天借此風只鳴鉦十數過
瞬目三百里嗟我出修門江淞半經履輕舟縱壑便未
見捷如此頗聞順逆勢殆似倚伏理逆境當反視順亦
無自侈今朝進固銳明日去還弛遲速本何常付之造
物耳

過風頂山

直上風頂山如接天上語環觀千里內此山峙為主循
彼下山脊翠石滿原膺巉巖巧雕刻詭特效蟠舞青蒼

高一色磊塊千萬數光膩細潑油滋腴潤經雨攢天石
林居綿地三茅宇太湖石可並靈壁磬同取少却俄回
首一洞視須俯崖深拱四壁下蟄蛟龍虎梯躡不可下
蹲望深可怖但覺拂衣塵微風洞門鼓太息天地間紛
紛詫竒觀雲收樹陰轉山淨川華吐長吟筆力窮小憇
去程阻

泊采石登蛾眉亭蛾眉山為雲靄所蔽

平生山水緣所閱輒相偶尋幽半江浙領擘如益友我

聞姑孰下二梁山對守兩娥顰黛遠久落詩人手余行
適未到夢寐念殊久今朝古亭上四望一無有風嵐暝
四合雲沙漲江口渺渺天際間了不辨妍醜登臨漫連
日所得竟何取嗟予山澤姿林泉騰奔走歲晚憶蛾眉
欲見事還否人間遇不遇難以智力誘墜樓人不見舉
案情何厚何如對此山遠拂雙眉柳風檣明日上相期
後牛首天淨楚江寒黃昏一杯酒

過新灘百里小駐峽州城

明朝上巴江日日峽中行天險三峽路峽險灘頭程就
中十二灘新灘尤可驚父老記往時此地江流平一朝
陵谷變崩裂山崢嶸大崖江裏卧小石江心橫作此一
大灘水石相吞并濤雷殷晝夜浪雪鳴軒轟空山十里
遙已接千鼓聲末流到山尾猶作洶湧鳴朝家憂病涉
遣使勞經營輦石竟無謀舟至不敢征東來西上者因
有盤灘名峩來灘水傍滾沸如煎烹衆畏豈不畏稚耄
棲磨楹遐觀一舟來掀浪嘈鼓鉦群夫山下蟻百丈風

中箏衝濤已颭灩轉舵猶歌傾憂憂到龍門艱苦如頽
羹須臾近平峽便覺天地清攜孳穩乘舟相慶如更生
蜀道登天難於此論始明况我衰病餘懷此憂懼情國
息念未報一葉身為輕小臣抱孤忠思有稱使令舉酒
望星河作詩聊自評

江舟撐夫有唱湖州歌者殊動家山之想賦吳
歌行

我家苕霅邊更更聞夜船夜船聲歎乃腸斷愁不眠一

聲三四咽掩抑含凄切宛轉斷復連盡是傷離別兩月
江頭程杳不聞此聲身游荆渚路夢到湖州城每聞空
山語輒憶前溪行今朝擗頭上忽作吳歌唱初聲與後
聲一一渾悲愴問汝何所得昔棹吳中航吟得溪女曲
動君思故鄉我方西上夜夜夜家山側聲聲勸早歸雲
水年年碧

和魏南伯縣丞寒食西湖韻

紅塵久厭人湖山猛從事巾車出西關觸目飽幽致聊
從吸鯨飲發我湧泉思松鳴當絲竹山肴勝肉味愛此
天地寬無復名利覬淡粧與濃抹晴雨蓋一類車馬幾
馳逐簪珥頗遺棄稍出鷓鴣行來與鷗鳥綴歸來燈火
近忽枉珠玉遺三復已醒然龍襲藏有巾笥

二月上澣會制司幕屬和益誠之制參韻

三刀入夢鄉遠作益州鎮空懷十駕念那復一簣進心
勞政自拙愧彼東郊尹得人盛烏幕澹臺不由徑競効
有用學一掃虛名狗雍容三語掾文潤相涵映一樽聚

群彥坐乏黃封印開懷縱清酌詞鋒凜豪雋春花自開
落醒醉百念靜談間吐胃臆寧較名與分別茲賓客賢
訟過便平聲退聽吾儕東與西解逅喜滋甚惜也民菜色
旦旦急荒政及茲雨膏麥觴詠是招聘我方道州考盍
抗歸老論早上竹竿船故園松菊盛

和林子長韻

橫塘老居士官意云蹉跎歸田百頃溪一目真恒河春
來幾櫛沐昧者時工呵惟公獨未然計拙樂且多秧針

破水面照影成婆娑黃梅雨朝昏已壓前溪荷連旬聽
盆傾頽空競嗟峨城頭望彌漫湖海環丘坡橫隄蕩如

洗滅沒相陂陀

陂陀謂廣柔也

却聞城南圍千丈一水過堅壁

了不動坐勝洪濤波佛力與願力精意馴蛟鼉獨此夏

日雨慰公春時策我方歲事憂一飽今無何乞我黃淤

秋

後山詩乞我黃淤十里秋謂田也

同此天地和不然遂彈鋏稍續馮

君歌

和林子長韻二首

霜風弄夜結脫木嘶千峯寒暑相主客造物誰為功百
年俯仰間逸興追林宗白髮已種絲飛雪節長松宦遊
豈不佳於我馬牛風

我老倦吟哦君詩如淵明秀句出間暇熏然有餘情寒
深雪意淺頗厭十日晴東鄰買嬋娟一斛明珠輕借我
一面看詩人豈狂生

又和三首

兄弟生同室長大相差池浮生朝露如歡樂隨憂悲南

來幾飛鴈北去歸同時嗟君胡不如恨此何可追

右感鶴鶴原

前生老居士識我臭味同詩囊欲往來一別已再冬相
從能幾何歲晚驚飄蓬須賦早歸歟共老千巖松

右懷蕭居

人生自作難百念一已多七十古稀有况此疾病何紛
紛老駘驚失脚千丈坡行樂當及茲歲月如經過

右歎七十

和王德和知縣謁蕭千巖韻二首

虛名誤壯夫黃金變顏色誰歟帛米謀因此芻狗迹安
和一榻上精神餘筆力我欲造之深劇談忘漏刻
詩工解窮人詞苦乃見意味公千巖篇粗了瑟僖義平
生師友念正爾金蘭契毋使我迴還執炙不知味

和林子長訓諸郎韻

祝羸不知難舐犢不知累我生飽經涉一一如歷塊泛
觀孩提兒鏗鏘捷應對由其學不學所入遂同異有子

當務教否則基業墜明經仰韋賢所重識與器黃金委
塵土教子遊於藝父子踵黃閣功業美且粹最憐房杜
家門戶早覆篲紛紛不肖子掃蕩等劇戲賢愚豈少年
成敗見晚歲君家萬金產兩兩蘭玉萃兒時見頭角已
負食牛氣誦詩了瑟僖引義觸儔類長大守經訓含咀
樂心醉瀾翻紙上語筆力功憑恃老蚌生明珠光彩爛
足畏渥洼墮龍種不數蟾蜍輩孟仲叔季間更盛而迭
貴吾兒豚犬耳衣鉢尚可遺登門倚羣玉辱交每不外

譬如般若光照此大海會願續無盡燈庶為宗門慰

和梁飾甫通判招飲林子長溪堂韻

多病苦長夏炎歊盛朱明得秋如故人一見意已清夜
來風襲月桂柳窺欄楹頗憶橫塘溪百計無餘營清風
菡萏秋搖搖月中聲剽聞有新約賓主意各傾妙語含
風漪一笑槩可橫尊前欠佳客豈無葛強生

再賦

千家滿明月更覺雙溪明秋來詩酒無母乃亦太清詩

筒解我意續續堆軒楹豈無斗酒藏而待君所營頻聞
別駕賢行聽立鵠聲秋光恐無幾有酒何從傾扁舟下
滄浪及此月猶橫要當辦茲遊竒絕誇平生

郡寮案樂飲趙判院有詩次其韻

簿書紛如絲取樂得少空悠然杯勺興藉此歌舞送從
事來官厨醉不睡隣甕衣裳賸蘭澤言議雜囂閩人生
醒忌獨勝日飲須痛向來講上鷹府公解其縱

僉判司理稟樞

相許之先生作禪卧肯以靜啜動形臞詩則昌萬境供

方作會

日用文字與紅裙寧非一理共退之強分別無乃夢中
夢絲竹娛中年耐此髮種種明當解予醒酒德賡舊頌
病不能從沈德遠少卿草堂醵飲

溪南十里山有客今淵明歸來厭城市着脚鷗鷺汀客
東笑談劇日暮車馬行我昔曾見之浩氣猶憑陵尊酒
浸成列翰墨時相迎慚渠前日約念此故舊情衝風走
籃輿剥啄山頭扁人生等遊戲底問割與烹但令賓主
歡莫識衆我醒毋以患難移政須公主盟

李兼濟分教江陰

結交不在久但問交者誰相從何用頻要以道誼期我
初未識君已誦班馬辭太學金薤篇爛若琳琅垂妙理
遡家學雄文想英姿天乎慰此心而獲親芝眉一見語
未盡覺我驕氣移荷君偶過聽得我嗟何遲我方縛微
官君亦居所疑於今五六年見日常差池有時適相逢
一語不及私徃徃從容間百篇惟新詩歸來念所得如
日身親之君將抱亭涵一洒澄江緇想君車馬至短褐

環旌旂萬口如一詞是日得所師一斑見稍稍士氣今
虹霓江城見儒英而我失所資自慚索米久不去今何
為及瓜早歸歟問舍江之湄政須邇門墻作意頻追隨
窮達於其天紛紛徒自欺買羊沽酒日割此胷中竒

沈德遠守衢州用林子長通判送行韻

宦海足風波洶湧百態動更嗟為郡難一木支椽棟利
害秦越瘠謗讟鄒魯閔區區美衆口於道竟何用一墮
怨憎機玉毀石可貢鄉來羞染指負此淮陽重公今上

柯山威望壓羣衆州橫車馬衝吏黠機巧共寬猛歎何
適往事成一夢利孔百已竭舉手下輒訟其難皆如此
要以人折衷如公補天手輕重識抱甕善刀而藏之游
刃真總總政成餘坐嘯事定畧銜控人生五馬貴願公
還舊供歸來佐雄畧一洗潢池弄我方煙霞痼爾若丹
霄鳳儻知下惠賢應笑臧文仲

王恭父出守洋州二首

胷中萬卷書足下四方志士任重道遠渠以中外異肯

戀承明直狹此天下計方此議遠畧慷慨誰襍被翻然
有抗章屬之英儒耳

我懷粗憂世所遇輒盾矛自公握手初臭味一一投一
麾山陽邊而豈但寢謀應有齊人者歸此侵疆不小策
洋州勲不止萬戶侯

鄭惠叔閣學守建寧三首

天生棟梁姿本作棟梁用豈其天下望可便舐萬衆乾
坤欲開泰數定不可霽我公胷中秋萬寶一未種士其

少須之要以他日重

周之士也貴如圭璧璠璣東陝與南土出入本裕如高
官不可羈位置實有餘輕此一葉舟孰肯戲魚魯儒自公
抗章行益以貴士夫

公乎斯文宗學者仰泰北而我幸姻婭心切迹每拮龍
門甫登進已動驪駒曲江湖搖歸心我亦慕高躅更愁
帆風船無路送雙目

時方對客不獲
與江頭祖席

贈王副判

將軍年少時束髮在行伍西方頃多事二十勇如虎一
身殆百戰手足瘡四五征行久邊戍肯憚服役苦西陲
五十郡一一經險阻一官三十年銖積僅如許我聞中
興後卷甲久未舉宿將零落盡屈指不可數政恐據鞍
者驕懦如嬰乳時平偶無事酒肉而子女問之行陣事
縮頭而粟股有如將軍乎少小服軍旅金瘡歷歷在未
老勇亦賈抵掌談世事忠憤氣如鼓願欲奏君王臣不
知死所輕舟明月夜慷慨聞奏語醜酒誓長淮有力期
共努歸去覲前旒此懷須盡吐

觀野塘荷花

淤泥生荷花物外各有性環城散紅錦鮎灩滿支徑人
卧蓮葉舟酒吸碧筍柄箇中有真樂盡意不盡興

松坡

陵坡擢孤根生意已翹楚主人歲寒姿於此眼目具夷
荒挺勁節偃蓋浥溥露相對琳琅篇後來慚驥附

大石

困卧籃輿中醒視人影直伸頭起四望不斷山環碧羊
腸路百轉當面一蹲石高廣不可際隆重誰與匹宛如
百楹屋玄繒四籠幕又如龍虎踞煙雲繞其側突出衆
山間旁無他石立古今歲年久光彩淨如拭兒童梯級
上羣聚相戲劇偉哉殊特觀我來聊扣擊汝從何代有
長養成大質汝今閱世多幾見陵谷易漢王欲東時曾
經車馬迹武侯三顧後曾見王師出袞袞千萬載人與
爭如織興亡竟何在而汝獨如昔古有石能言今乃不
可詰徘徊不忍去撫掌重大息安得李將軍一箭誇雄
力

遂寧府庫古銅物

我貌殊不古而有好古心未老以成癖此病那砭鍼本
非口腹累乃困耳目侵遂州古名邦有物歲月深一一
銅作器得之古墓陰燈罌間管柱匝耳擎杯斟斂殫累
蒼節鳳口塗黃金人形雜獸面詭異難撫臨模糊滓塵
土剝蝕遭晴霖摩泮細拂拭名代不可尋楷矢辨形質

古磬鳴聲音一經聖賢手疑信別古今佳哉今所藏歷
世方駸駸會當有博雅破此齷齪與瘖敢效石鼓歌吾意
豈微吟

蘇公內翰栢石圖

栢生兩石間顏狀何落落行鬚接石脉生理初甚約豈
無蝼蟻窺未免風雨剝孤撐謝栽培欲取那可攫森然
兩石意與栢真不薄崢嶸炎涼外盤踞互相絡千尺意
有餘凜凜未可度公看養口體怪此軀幹削滿眼較短

長瑣細公所略

題陳氏淨香亭

人生樂事難清節視險夷遇坎而履坦詎以得喪虧我
觀萬物間獨此琅玕宜頽然挺氷操得之風雨時秋風
桐飛翻夏雨民怨咨怵迫真乃見嗟物如一歧此君豈
具然風雨而不移娟娟淨明月細細香浮漪此理固千
載俗士難與知洮湖著危亭十畝曾中竒植此凜凜節
照公堂堂姿仕已輕浮雲喜愠不一施山高空翠濕草

勁便平聲疾吹此風此雨至公乎無磷緇我方索米久官
事成痴兒望公瀟洒中糞壤與茵芝何當亭上遊細誦
簡齋詩

題揚誠齋南海集二首

君侯大雅姿萬態歸物色商畧南海句以心不以迹試
吐胸中竒如臂指運力今推王揚賢童子漫雕刻
詩以變成雅騷以變達意變其權者徒中有至當義水
清石自見變定道乃契文章豈無底過此恐少味

至游堂二首

力田須逢年掘井須及泉學者志於道如以規正圓及
其見道時攬轡誰爭先筌蹄蛻陳跡羽化而登僊是中
時反觀一一人之天森然衆妙現所見惟所便猗與至
游者日運萬里船胸中三景軸與道相因緣道大心以
悟心遠見孰偏一室景象存物物隨殮眠不游以為游
至樂無冥顛游非在山水默與山水聯天下有至游得
道有至賢賢者以道游百游不一愆至于游俱忘公與

道獨全談笑出清風樽罌益欣然張扁說中郎訓記增
雄編嗟予幸升堂頓覺塵垢湔從公至游境左右餘芳
鮮歸來欲語人心知口難傳

嗟哉予少年學志如蒙泉區區指謾血未識方與圓晚
於方冊間再拜予公先琳琅粲珠璣意公真其僂寒窻
手不停朝暮披雲天已辦膺門登肯效邊腹便一身落
宦海去若不繫船懷此日月長歲晚而黃緣長安初拜
公樞趨立庭偏一見意未盡憤憤如醉眠春闈接從容

拜賜喜欲顛夜半呼論文不復懷官聯此身願持似稽
首從公賢一意門牆歸稍却名利愆尋幽並湖山百計
一未全而公亦倦游卜築方怡然把酒問明月誨我詩
成編淋浪身上衣歸喜那更湔雄篇富褒拂字字華袞
鮮吾儕一瓣香斯文今有傳

欽定四庫全書

東塘集卷二

七言古詩

仲春勸耕有獻兩歧麥者和丁端叔茶使韻

周原旖旎伴歌頌我訪春郊
屆羲仲市橋屈曲古招提
媚日暄風傍鞦韆布宣德
意父老喜醉飽盤餐兒女
共眼看秀色龍頭多風落
輕花枝穗重東皇生意滿
阡陌不待池塘春草夢
道傍秀麥獻者誰秀出雙
枝駭羣衆

春風和氣下披拂產出禎祥呈妙用我思昔歲旱為虐
幾度牋天香火供懸知政拙漫心勞自慚弗稱甘泉從
今年春到一犁牛是處膏腴飽耕種舉趾于耜競東作
剝粢烹葵弭田訟三農儻遂富庶樂四體如忘疴痒痛
只今貽此來牟喜大手鋪張頰屈宋崆峒有詠拾遺語
茂陵作頌相如諷司馬相如居茂陵作頌曰嘉穀六穗詩成豈待擊鉢催
句惡自慚操管弄與君拍手訪豐年姑置別離傾酒甕

行麥壟

農操豚蹄競謀鬼已信今年非昔比十日五日風雨時
好語急傳兒女喜南來麥熟春事收東郊日落人影稠
騷人一見喜不盡新詩預慶豐年秋懸知聖德回天地
荒政已修非罪歲目前更看牧羊人不覺維魚來夢寐
禱祈喜以甲子日得晴

去年閔雨忙今年以晴禱年年水旱苦關心憂國不知
身暗老蜀田百里無陂池山頭隴畝如畫基平時憂旱
不憂水秋水十日憂雨垂天公忍使垂成阨但把精誠

期感格扶桑忽上東海來一夜天晴風露白今朝甲子
逢晴秋定應無耳生禾頭少待餘糧棲畝日倩渠送我
歸田休

詠晴

農夫一飽嘗憂遲十年五旱無已時今年隴上消息好
天不靳我食與衣黃梅雨了時雨至三尺稻稈一尺泥
不憂夏潦憂甲子阿香忽放雷車歸白波翠浪雨露足
已覺抄雲先簸糶新春入甌供晨炊吾農自此今無饑
邇來更說蠲輸好州邑撫我如嬰兒如今不怨田家苦
但憶詩人歌子婦

喜晴即用前韻

春田欲雨嘗憂遲夏田得雨嗟踰時春耕夏耨雨無及
眼乾淚竭空沾衣翻翻聯聯脚力盡萬車不救一尺混
朝看東南暮西北晚雲倏忽山頭歸白日一照黃潦定
秋來準擬篩紅糶早田拾得晚田熟今年更救明年飢
念天隴上一月宿趁晴歸欲呼妻兒與夫歲歲同甘苦

未容恤緯慙嫠婦

江行有惠梅花者因憶杜少陵云江上被花惱
不徹無處告訴只顛狂遂借此意而吟

去年短檝孤山閣尋得橫斜在籬落帶花飲酒六七人
醉傍錢塘城下泊今年江上花惱時無處告訴狂如癡
一枝的皜對無語獨把詩酒相羈縻平生百念輕於髮
惟有梅花心未歇只愁花謝老相催老盡頭白花又發

峽中聞杜鵑

春風破曉晴嵐濕客子玲竈去程急空山兩兩杜鵑聲
回首家鄉無羽翼勸歸不歸聲厭多旅懷刺刺空奈何
君不見秭歸城上今啼不多少行人滿江口

聽道人彈琴

東城尋春春事濃長嘯理策蓬庵中道人飯了徒快睡
萬慮一洗惟絲桐高山不斷春嘖嘖流水無言聲磔磔
月明露冷意有餘夜想朝吟恨誰釋平生心賞竹間尋
歲晚欣逢正始音煩君更撫文王操慰我寒窓在此琴

和林子長海棠韻

去年寒食猶依然海棠花落南溪前風隨雨雪作三厄
燕支落盡無人憐今年花下去年色不暖不寒三月天
花間置酒君有意我負宿約慚周旋年年惜春春易老
春去花殘常恨早勸君更辦一杯春明朝捲地東風掃
園溪已漲桃花急月明夜釣漁舟笠君能割我半亭溪
寧嘆此錐無地立

和趙周錫詠魏南伯家葱茶韻

武夷十月嘗先春風生兩腋撩詩人玉塵一縷輕且純
不與凡味爭比鄰鐺中碧玉濤湧銀七盃不厭烹啜頻
書窓假寐熟欠伸重煎倍覺滋味勻吾鄉此茗孰與倫
誰家却說江茶珍剥葱細砌誇珠蠟泛甌更騁如鋪璘
不知珉玉難並陳從來居上嗟積薪魏君胡為白頭新
懷兄詎可論不均我雖曾沃齒下齟不敢溢美忘鄉津
方圭圓璧當春晨請君反本毋予嗔

和林子長謝徐吉甫蒲萄韻

吉甫生子與
仲子同日

吾兒癸卯豚犬耳徐家同日生明珠迺翁愛子愛其類
堆盤歲歲分甘腴嘗新既足旨甘奉遺送更欲均有無
但肯食芹而美矣如渠此意夫豈徒嗟予已老將疾至
肉味不啜惟僧蔬忽驚馬乳墮几案未免饒口食其餘
及茲滿架未零落少待明月相携壺

和魏南伯乞酒韻

古人行旆誇碧油我舟寂寞隨處留何人夜半詩博酒
鬼神欲泣如楚囚一朝江上同漂泊莫向樽前情淡薄
為君更作白頭吟欲辦錦囊慚句惡

小飲

殘蟬古路無人跡瑟瑟西風已三日杜門却掃處一室
顛倒筆硯理書帙平生但恐辜吟筆薄宦雲浮奚固必
客來相與入詩律一葉庭柯恍如失

和王使君惠詩酒韻

我生紀歷三逢申久矣隻影誰為親戀彼溪山意已在
舉目更友君子人言論道德歸大醇對菲下采顏色濕

買羊一見慰饑渴載酒三就忘辛勤今朝好語幾盈門
排攢炫晃驚童孫字向紙上欲翻舞句生妙處增清新
推窓更沃囁嚅口便覺四體陶然春嗟予從此毋多作
君方袖手韜竒畧詩壇行即拜將軍莫謂小兒多淺薄

和董顯叔韻

江南人物在覲面足以慰予疇昔念識公只在文字間
君子若人今子賤江湖路遠睽言談八年於外自亦閒
有時拂拭舊珠玉端欲論詩伯仲間公懷席珍方就聘

一航我欲長安近只知喜接故人歡寧羨官高如斗印
羈懷寂寞逢春光未着語意何可當下惟諸孫出新句
如蠶抽緒思無疆一詩傑出駭竒創陡覺詩壇羣膽喪
自憐老退無好懷語不驚人慚少壯宦情不絕真如絲
有憤莫吐誰與咨只今猶得斯人語剝有風騷同激推
不堪人事長乖處聞說扁舟復西去十年一見意匆匆
更寫瀟湘別離句男兒氣節天所資道大何計合與違
但讀詩書談世事看公衣錦他年歸

和野堂惠老中秋月蝕韻

一年清絕中秋時仰天高欲攀桂枝乾坤鎔入玉奩鑑
萬象一掃光芒垂今年不見今宵月有物噉之傾且仄
惜哉至此狼狽凶空效玉川歌月蝕一盃相屬三更夜
安得飛來明月借明年應解勝今年莫使詩人愁筆下
吁嗟今夕知何夕且對孤燈照窓隙夜闌搔首獨翻書
且喜燈前雙眼碧

和張季長少卿塵外亭韻

金城玉壘雄西邊雪崖凜凜摩蒼天環城萬井四十里
無處着眼江頭煙我來登臨重嘆息搜索勝景披雲巔
結亭百雉上南郭山川映帶圍桑田春風城南細麥好
夏雨城北圓荷鮮長瀾四溢去不斷茂林百種森當前
朝光下捲西山霧界天一白如鎔甄兩岸寂寞誰知已
一日邂逅詩中仙品題印可喜所遇瀾翻筆下源流泉
平山醉翁何以重一詞一記垂千年于今塵外已獨步
壯觀絕致誰爭妍痴兒莫苦簿書債一笑亭上應忘筌

春來花柳賸遨樂念我一舸方東邁甘棠遺愛定無有
赤壁懷去猶能全他年吳蜀問安好簡繒各寄滄浪篇
和周元吉提刑席上得雨韻三首

西山忽作暮捲勢長蜺噴水驅炎暉雷車震動吹海立
火傘退避如鷗飛天公不憚翻覆手客醉何惜淋浪衣
雲收暑退夜空濶歸路已覺星河稀

湖山十里圍萬井烟雲過盡迤朝暉連壑得雨有餘態
歸鷺倚風無限飛田頭遠布翠穀浪池上暗濕紅裙衣

山翁何惜一倒載及此訟簡人已稀

蓬萊秦望兩如峙中有萬頃浮光暉自憐俗吏脚不歷
毋欣竒觀身欲飛茫茫布野翠捲浪靄靄出岫雲為衣
詩材滿目供不盡只恐寡和詩人稀

野堂惠老惠筍

騎臺落日殮秋菊寒食江南饌錫粥一年節物正撩人
賸把嘗新伴幽獨平生慣飽藜藿淡口腹累人何日足
故園又作穿籬態解籜呈新包一束甘寒不澆礪硯腸

一飯更須炊白玉年來稍學長沙味一月煨藏愛餘馥
腥膻棄去不復念從渠且負將軍腹老僧日食常任供
飽坐饑殮不論斛春來不訟籜龍寬每誦坡僊食無肉
箇中風味有誰同付與新詩照湖綠

謝惠補之送梁杲墨

江南點歛千峰長盤紆融結百鳥頑鍾靈孕秀山之玉
中有石墨時伏翔曹公萬斤如羸糧士龍二螺石髓香
人間那得掣筆郎此物我亦成空囊松煤僅貯陳玄光
磨楮未辨文檄梁知公腹藁誇成章夢中盈袖方櫝藏
仲將一點容升堂佳哉秀句來一方愧我學書臨池旁
幸公瓊報毋相忘

寄于忠父先生

天教英雄聲名好滿眼看渠騰蹋早吁嗟世事暗如漆
虞卿窮困劉蕢老平生翰墨彌九州豐城埋劍干斗牛
一官了不受羈束婆婆娑風月聊歸休天欲成之煩一蹶
子美東屯笑耕月諸山搖落不成林看取孤松歲寒發

西湖十頃玻璃風酒闌豪氣詩千筒請君流水照冰雪
長魚豈與蝦蜆同

再賦

詩來已報平安好猶恨得公詩不早忽聞單舸下滄浪
却好此翁元未老折腰耐辱來皇州大手妙割無雞牛
平生拄腹五千卷百未一究真難休我昔從之曾踴躍
刮眼期公空歲月老來猶足舉千鈞豈是周郎獨英發
茗溪獵獵蘋花風溪樓萬瓦如鋪筒未須黃帽催歸去

尊酒一笑期君同

贈青眼楊相士

秋風槭槭敲庭檟獨卧孤窓類瘖瘂道人剝啄向東塘
欲識酸寒益東野公今以直不以情我亦論心不論形
平生方寸知如此政可煩公雙眼青年來萬事翻成覆
幸有藏家書可讀丁寧莫學世間癡苦欲從公專問福
潛聖汪君辱借詩編作小詩歸之

是客胸中春百頃日夜葩花落毛穎竒芳珍艷亦不乏

綠騰紅餘盡桃杏定收三冬充腹肆那費五車壓牛領
不憂銅雀吻乾燥正喜詩泉勢奔猛舉槁聊作漁陽摻
成篇半是吳江冷誰憂玄豹老雲霧寒谷空濛光欲炳
渡嘉陵江宿什邡驛

山程十日不見江前日初逢黎渡水牽車又到渠江畔
漾漾翻波春尤美今朝嘉陵江水寬危峰大石更巒岈
棹兒艇子呼晚渡亦剗鉦鼓推標竿渡頭楓綠薔薇密
我宿山南雍城側細思青史什邡侯君恩何似嗟來食

過蝦蟆泉

平生一壑清濯裳愛泉謹護如隄防酌飲爰至蝦蟆涪
水經第四源流長天教神禹使壬甲幻得蟾蜍半山壓
建瓴瀉出沉瀝清底事汗流猶背洽惠山車馬松江舟
兩泉寒冽天下求不知此水更奇品世間實處多名浮

過渠江渡

權歌江峽三月程頗厭風濤困征艣驅車山路兩旬浹
又覺崎嶇萃勞苦甘溪嶺下冉村路一道渠江拆山塢

風平雨細無皺面
浥浥寒漪清客暑
渡船也學鉦鼓聲
催上藍輿傍江許
夷猶短檝瞥眼過
却懷江程久如許
山蹤水跡本遊戲
南北東西慣安處
茲行兩脚不遺力
千里環山幾艱阻
一江水淼淼橫目
前如渴得泉早得
雨流波聞向合州
去却入恭江匯西
淑更欲挾浪扁舟
西褰裳回首忻從
之君恩如天未酬
一一念惓惓繫孤
跡過故郡渡

山路一千三百里
中間四渡冷江流
天涯作客壯年事
老馬長途幾日休
誰知江深念歸客
日向峨岷無盡頭
舉首白雲天共遠
四方上下與同愁

過黃泥坂

牽車緩上黃泥坂
複嶺重崗甚前日
躋攀千級下如之
十里三山三降陟
平生兩脚疲辛酸
歲晚行路熟蹒跚
人言蜀道如登天
未必登天如此難

登嘉州萬景樓

我行大江西勝槩
數追逐南樓岳陽
上雄絕快心目今

到西南第一樓嗟哉餘子真碌碌巖層嶂壘匝天外
蒲淨葭叢蘩江曲三莪之雪晚在望九頂之雲暗相齧
縈紆拱揖儼左右吞吐澎湃環山腹瀾瀾潏潏三萬頃
何止江郊供遠矚俯觀大象欲墮地仰摘星辰幾可掬
一天萬景不可狀盡付此樓歸約束危欄徒倚納清觀
踟躕意已追鴻鵠仙官五千九百到我亦悠然立於獨
霧收江際天接水日動山尖光漾木倚樓拍手叫青天
一笑江橫送飛鷺

舟行遇逆風

扁舟直下滄浪綠百里溪程消一宿天公噓吸解窮人
逆水衝風何太酷年來矻矻便深居一動一靜誠何如
不堪世事苦相逼政自未免奔走餘今朝莫訝東風逆
明日歸舟順如翼世間逆順豈關人自是人心長戚戚
過馬肝峽石形與色皆如馬肝迸出峭壁之上
予觀之蓋石芝耳大窠一本小者四五不知風
雨幾百載而質不敗賦石芝行

曉巖復曉巖昨日通靈灘通靈二十里有峽名馬肝一
山削壁立萬仞中有突兀如芝蟠輪囷累片葉盤結分
枝藥宛然老枝菌如出枯樹端大窠數尺迸崖縫小者
四五高低攢徃來競稱馬肝石不悟石芝為異觀朝廷
日清明郡國無曠官鍾此溫厚氣瑞草凝嶺玩君不見
為羊又為馬石芝靈異元非難此芝瑞峽中一一行人
看何人果妙丹青手便可圖上歸長安

舟人強以二鍰多取漁人之魚余增百錢與之

作漁父行

老父家住逢家州無田可種漁為舟春和夏炎網頭坐
茫茫不覺秋冬過賣魚日不滿百錢妻兒三口窮相煎
朝飧已了夕不飽空手歸去蘆灣眠今朝何人買鮮鯽
直得千錢酬二百拋錢帆去了不應却謝君子為增益
嗟嗟莫怨行路人滿江風月儂最親但看漁翁更強健
銀刀赤尾長鱗鱗

峽中瀑布泉

萬石枕山眠千峰隨路轉林深暝巖穴一道寒泉濺分
明水簾垂空壁隱約珠簾掛蒼石深山寂寞有誰知只
與行人潤詩筆

孔明廟柏

陵丘冉冉烟草新叢祠寂寂君與臣千年不死一庭栢

八陣猶餘三峽春

八陣圖在夔州城外春時郡人載酒歌舞其上

昔人已化遼

東鶴古往今來事如昨當年魚水奮雲龍天不興劉死

諸葛

題天衣寺

稽山道上多名迹萬頃湖光襯山色雲蒸霧集累千
年屈指風流幾人物平生住處身曾經賴此泉石供餘
齡愛山何惜買山費明珠不博娉與媵我聞天衣最奇
絕萬頃清涼掃頻熱持經夜半烏鼠聽忽覩金僊起還
滅把茅從此成開山法華妙果僧中賢當時十詔徵不
起神奇變他泥生蓮山神謹護泥封詔獨有遺風傳內
教袈裟金縷照琉璃時放祥光蔽雲嶠我來官守無時

閒着脚未歷城南山區區俗眼空自翳耿耿此意如循
環我心豈是真如石慙愧新詩與推激自憐未到此山
中想見入山深未得要令攻俗如攻城茲遊約與秋風
迎吾曹豈辦痴兒事為君一醉南湖清

朱東父作室

貪夫築室齊雲楣滿溢既死不可持佳哉高人世念薄
文室緝綴如繭絲門前流水照明月門裏有詩清更絕
汲泉欲漱齒怯寒携杖先登腰易劣客不待速來往頻
剝啄扣門有誰應主人酌酒要客醉坐客見花心自醒
長松古栢垂楊岸為基一畝酒無算花開詩酒足逢迎
花謝蝶蜂謾零亂萬物榮枯付達觀我欲從君着眼看
儻能剝掃床頭金笑彼人間癡死漢

揚州堡寨

西風一舸來揚州匹馬直上新城頭環城九里十六步
一一峭壁臨深溝俄焉唯喏兩軍士衆手指示陳其由
揚鞭試問築城意曰堡曰寨何所謀誦言長淮十六郡

天險地利茲其尤江橫萬里限南北藉此屏翰屯咽喉
向來強敵蹈此境夜半一叱遭虔劉平時曠野不可限
一城未足防侵牟高城西北古城後因勢決策成楚丘
四門大開樓櫓備中有萬甲藏戈矛譬如一鎧何足恃
被之重鎧前無憂乃知舊臣建議僅出此我亦策馬嗟
去休不知城二勢則一添足畫蛇真贅疣君不見紫巖
先生昔經理釣橋深塹先防秋當時方畧豈不究而使
浪策為今羞吁哉成事不復說只恐前計無時酬書

生銜命偶經履一見敢謂可與不世間萬事一笑裏輕
帆送我催行舟

題陳日華二友堂

書生作吏從朱墨官事紛紛何日息不堪鴈鴛對敲朴
寧解書生伴松竹太立退食何蕭然筆研不落塵埃邊
前歲讀書山水縣今年二友來通川料君捧詔還朝日
老蓋寒梢應的皜此時留與後人看要使清風繼前跡

送陳景齋宰鉉山

我昔曾為江左國，賸說鵝湖今壯邑。頻年官府苦催科，
百里齊民猶珥筆。男兒遇事難是圖，猛士縛獸須於菟。
才高政不較難易，知公此去無超超。嗟予仰韓如仰斗，
公亦登門及予否。為言饑餓六年中，兩眼猶能記千首。
送周可大守通州

丈夫憂國如憂身，疴癢疾痛均傷生。胷中百藥寒涼明，
有疾一試真權衡。我觀周郎真豪英，落落磊磊通而清。
少年志欲天下平，夜光無因匹夫驚。萬卷堆胷兀相撐，

尚論千載欣談兵，不堪北首瞻神京。抵掌不平中屢鳴，
老來符竹疏新榮。捧檄正須堪一行，舌翻袞袞傾波瀛。
察譏之說何鏗鉤，龍頭悅懌意若迎。領畧健論心為傾，
朱轡好去方北征。黃堂暇日煩經營，老狐戀戀巢穴成。
兩雛競鬪誇紛爭，料公志畧須縱橫。邊塵一洗誅長鯨，
片言定可攻聊城。覆巢熏穴无餘氓，牢盆細務毋太縈。
簿書期會毋留情，只今了却功與名。大副昔年梁楚聲，
我來蹤跡水上萍。與公相望幾連甕，交情契合踰弟兄。

頡頏上下相嘲評有時立論披腹呈彼此浩氣俱崢嶸
公今事業行軒輶我懷礪硯方聾盲願公不負忠與誠
歸來濶步名公卿願我百念一羽輕公乎訪我惟巖耕
送王齊卿教授造朝
江淨孤月寒山空野梅白我是天涯人却送東行客送
君直上蓬山首莫忘西南困征取功名富貴不須多只
把詩書垂不朽

寄中都故人

千山疊疊高入天中有縹緲之神仙壁立煙容風虎臥
林深洞啟雲龍潛長安詩翁有健筆蜀道客子無新篇
尺書萬里寄天遠萬一故人曾我憐

用楊誠齋韻題吳夢與集

大釣落落元無鉤百尺空卧元龍樓天生斯人竟何用
搔筆僅可供眉愁詩人慣作驚人語富貴迫人嗟幾許
世間萬事要其終只今此道猶能東

陳日華刪定讀書林

雄編已汗南山竹對坐松篁誇鼎足猶嫌官事作癡兒
故向書林巧徵逐蒼龍宛轉驅雲濤此君寂寞清且高
晚來鴈鶩無人進又報明公欲變騷

題王順伯秘書所藏蘭亭修禊帖

永和九年暮春日蘭亭修禊羣賢集合毫欲下意已先
媚日暄風佐搖筆當時一筆三百字但說斯文感今昔
誰知己作尤物看流傳人間天上得天高地遠閱不示
僅許一二翻摹勒忽然飛上白雲俱徑入昭陵陪玉骨

識真之士已絕少真者一去嗟難覓紛紛好事眼空眩
只把殘碑慕真迹蕭郎袖去明真贗定武傳來差甲乙
如丁如瓜辨形似不豐不露分肥瘠人亡無復見風流
漫費精神疲得失臨川先生天下士古貌古心成古癖
搜竒日富老不厭如渴欲飲飢欲食有時瞥眼道傍見
倒屣迎之如不及牙籤軸已過三萬集古錄多千卷帙
平生著意右軍處並蓄無收一何力賞音本在筆墨外
何必此優而被劣清波萬頃渾一點明月一輪雲半入

是中元不礙真趣氣象典刑尤歷歷知我罪我春秋乎
政爾未容言語直我方隨羣厚其嗜門戶弗疆纔僅立
幾年冥搜政無那剝欲流涎分半席閱公善本三四五
不覺長歌書卷側義之死矣空費公家九萬箋安得斯
人寫金石

十月雪四白

夜來風絮鳴觚稜紛紛消息何頻仍不堪十月已四白
豈暇一歲誇三登祈寒未必小民怨哭雪政恐樵夫憎
窮閭冷市糴貴穀破竈濕葦燒層冰寒窓又凍詩翁筆
清夜誰憐貧婦織人言宜瑞不宜多官放論錢不論日
請君高吟祈碧蒼願天今夕開扶桑寄語龍公且相卹
忍待明年莫倉卒

倣東坡從歐陽公詠雪體不用鹽玉鶴鷺絮蝶
飛舞為比不使皎白潔素等字

樓頭一夜寒聲促但怪重衾慣藏六小窓起聽枯葉鳴
更覺凝寒透肌粟乃知龍公修故事幻作輕細巧翻覆

搏空積勢欺蒼楹過眼隨風滿坑谷雲濤衮衮浩無際頃刻庭前三萬斛小山愛我已霜鬢老盡蒼崖垂布瀑兒童愛雪不愛身堆削形樵笑盈掬風梢嫋娜因無奈一一扶頭恣敲朴我來苔雪四寒暑破漏憐渠數間屋無人推戶起僵卧謾把清風繼前躅寒爐夜發終不熖凍筆呵吟已先禿人間憂樂有定分隣家乃奏琵琶曲回飈落屑點翠袖紛紛花映花奴肉杜陵老眼不爭寒只有詩筒再三讀請君早辦雪兒歌喚取詩翁醉醺醺

雪中簡林子長

玉沙飛墮何衮衮一夜青山顏色損此山底事厭清姿
故學何郎輕傅粉曉來窻戶何人開僵卧欲起驚皚皚
微風浙瀝捲還起片片直上雙毛來扁舟賸欲敲鄰屋
料得羔羊酒初熟瓊瑤欲盡不可留梁園歌吹須君候
巫山十二峰二十五韻

巫山磊塊山林姿一丘一壑貪成癡寸峰拳石瞥眼過
張皇攫覓惟憂遲東南佳山多秀麗就中所欠雄與竒

飽聞巫山冠巴峽奇峰十二相參差昔年圖書常一見
欲見此山無路之扁舟西泝上三峽千巖萬壑爭追隨
終朝應接已不暇心目洞駭俱忘疲焉然鐘鼓高唐上
峯巒二六排旌旗一峯霞彩迴在望一峯展翠開屏帷

望霞峯
翠展峯

無心出岫雲吐色偃蓋平巒松並枝

朝雲峯
松巒峯仙

蹤鶴駕羽衣近壇石瑤臺閭闔低

集仙峯聚鶴峯
淨壇峯上昇峯

白雲

一起鳳皇下清泉四合蛟龍嬉

起雲峯聖泉峯
栖鳳峯登龍峯羣峯角

立變態異一一大巧乾坤為外堪擊拊試翠律中含造

化分四時天下名山亦多矣未有列岫奇如茲九華一
景固天巧惜與江流相背馳南北兩峯喧衆口妝抹却
恨同西施何如此峯無限好行行列臨江湄烟雲漠
漠出寸碧風雨時時橫黛眉舟人漁子漫回首騷士墨
客勞支頤我來穿水入天去貂裘章甫生塵緇昂頭見
此大奇特躋攀不上空嗟嘻吾將欲訪三島登九嶷上
蓬萊道山之壁絕秦華終南之嶂飛鳧去鳥嘯滄海却
來巫峽温前詩

欽定四庫全書

東塘集卷三

宋 袁說友 撰

五言律詩

喜晴放海棠

春日海棠早媚雲開遠嵐醉容猶未足睡態已微酣嫩
綠千枝襯殷紅一點含東君真有助落筆為渠談

常通判惠虞美人花亦名雙魚兒花

好景無窮巷名園有異姿春今十分好花又一番奇比

目紅綃結雙魚碧玉枝孤窻煩遣伴空憶美人詞

盆池荷花

根向盆池東華敷菡萏叢細擎深院宇低裊半窻風蘸
水凝綃翠當軒試臉紅化工雖力淺猶折小蓮蓬

石上玉簪花

根齧稜稜石香銜寸寸心誤人猜落葉眩眼拾遺簪掬
水滋繁種柔枝倚短岑清姿浮玉潤不受暗塵侵

植花於假山

巖石稜稜巧盆池淺淺開空山初幻化方丈小飛來屈
曲清泉溜參差細草栽只今山在眼着眼便徘徊

石上水蕉

傍石根斜綴澄波葉半舒氣涵流水潤冷徹內心虛帶
月軒窻外凝藍雨露餘憑將摩詰畫雪裏細尋渠

和林子長種菰韻

城郭千林靜菰蒲二頃宜移根元不費殖利已先知僅
脫黃泥賤相從白玉炊平生慣藜藿於此羨耘耔

屋後植竹

穩袖三年手新鋤十丈園傍山移早筇掃徑斷孤根瑣
碎梢頭影淒涼竹外村可人風月地頭角見龍孫

丹桂

月窟分僊種人間識此花十分晴殢酒一味晚呈霞曉
鏡勻丹臉香几浥絳紗相看秋色淨獨影夕陽斜

水竹

拳石環清泚龍鬚細屈蟠兩峯低崒岸一簇小琅玕密

葉風前影疎枝水底寒相從此君爾着意問平安

楊梅

酒着圓腮重珠聯細葉芳絳紗籠密顆朱粉皺新粧色
漬桑間椹甘傳荔子漿輕酸認梅種草木有他楊

莫子章惠蒲萄

慣病宜秋早分甘及歲寒驪珠初壓架馬乳又堆盤酒
美誇重醒書成欠百端不須煩廣利移種眩長安

謝周唐卿分惠宣梨二首

啄木門初扣分甘味占高風標誇釘坐津潤憶流膏膳
愛千梨戶寧辭五藏刀一杯須領意老欲為渠餐
澹澹夕陽遠行秋塞鴈高卷舒連夜燭長短幾繁膏貧
豈嗟懸磬家猶及賣刀藜腸慣羞澁更覺近來饜

周可大惠崑崙桃

秋雨成蕭瑟緗桃辱記存品高來禁藥地遠想崑崙幸
有千年實愁無五石樽欲修瓊玖報索手愧空言

謝侃老惠乳糕

多病柘漿酒閒愁梅雨天婆娑清夢斷剥啄好音傳憐
我齏鹽薄從渠乳酪鮮莫嗟聞道晚着意問師禪

嘗顧渚新茶

碧玉團枝種青山擷草人先春迎曉至未雨得芽新雲
疊槍旗細風生齒頰新何人修故事香味徹楓宸

惠相之惠顧渚芽答以建茗

一室環三徑諸郎讀五車山高空鎖翠澗潤自流花輟
我閩山焙酬君顧渚芽書來驚歲晚老去各天涯

鬪茶

截玉誇私鬪烹泉測嫩湯稍堪膚寸舌一洗覓藜腸午
枕消魔障春芽敵劍鋌年年較新品身老玉甌嘗

遺建茶於惠老

東入吳中晚團龍第一匳政須香齒頰莫慣下薑鹽笑
我便搜攪從君辨苦甜更煩揮妙手銀粟看纖纖

沈無隱國正惠殿廬所賜香茶

公論歸吾黨平生只故人近書時遣况舊雨日相親茶

輟閩山貢香分御府珍煩公文石陞回首雪溪濱

謝吳斗南教授惠貢茶

我愧周行久君方戴席重一緘馳素蠶五玉卧烏龍滴
雪浮甌淺濡香過齒濃欲酬新句好官事正填曾

謝葉秀州惠酒

雅况尊壘重高情翰墨餘寒窻半杯醪老眼數行書舊
雨故人少因風來雁疎君侯獨懷舊一歲幾相於

晚春過雨

酒惡病成惱春深愁轉加園林三月事風雨一庭花燕
幕自相語蜂屯爭趁衙傍欄迎霽色溪上幾人家

梅雨踰月始晴甫兩日復大雨

猛作連朝雨愁添一尺溪顏雲驚滿坐漲水急平堤澤
國幾成壑田家未半犁關心獨朝暮剛認勃姑啼

和林子長池上聽雨韻

遠浦鳴疎雨平林送落暉霏煙青柳暗晚霽白鷗歸觸
目懷心賞憑川念昔非池塘消息近一笑莫身違

歸舟遇大風雨

客裏纔三日歸來僅一程片雲天外立短櫂雨中行小
却黃昏路猶須半夜晴春光又零落游子不勝情

夏至日雨

烟暝千巖木溪明一帶樓片雲封舊恨急雨冒新愁節
又匆匆過詩從軋軋抽病軀無耐暑老鬢不禁秋

暑雨

獵獵蒲欵岸斑斑蘚漬牆簷低泣蛛網葉落濺蜂房西

嶂暮凝色北窻新送涼晚來池上過風擘藕花香

溽暑雨後

多病愁如許催人暑奈何蒼窮風有限雲薄雨無多浪
捲連村麥珠旋小葉荷炎涼苦多變四月未清和

雨中即事

夜雨恰一尺新秧高九分烟深數峯暗澗急滿山聞蒼
蔚添新翠溟濛靄暮雲田家方樂歲泥淖也忘勤

喜晴

夢斷窻全曙兒童競報晴層雲擘輕絮飛鵲噪新聲一
水長天靜雙溪萬櫓鳴傍簷聊覓句樂處漫蠅營

久雨霽後見月

漲水橫侵屋輕舟半宿溪竹風千影亂簾月一鉤低鼠
黠欺殘照鴉啼識故棲餘樽纔稍稍薄露已淒淒

暑夜得月

風攪桐聲碎螿鳴鼓吹長半山蟾吐影一水鑑浮光冷
碧迎秋色清颺借久涼不堪雞唱曉歸枕報朝陽

登屋後城

笑傲愁如失登臨酒半醒故將雙眼碧割斷半山青土
沃差宜竹城高未著亭可人東郭外綃翠舞娉婷

雙溪亭

源委縈苔雪乾坤接水雲半天孤月照兩派一溪分日

落虹垂影魚翻殼斷紋煙波豈無義

邦人謂雙溪為無義水

涇渭

固難羣

題小隱九曲亭

小隱前山入空亭往事忙放泉盃曲水環坐客流觴雅
不尋絲竹歸宜醕酒漿山陰莫專美更數水雲鄉

題墨妙亭

繭紙竒蹤絕龜趺古意長憐渠風雨厄為爾屋廬藏寂
寂閒庭靜迢迢永晝忙傷心三廢碣猶識漢文章

白蘋亭

茗水誇空闊蘋花嘆沈寥

白蘋今無有矣

樓臺溪上女楊柳岸

邊橋涼月明煙渚春水稱畫橈晚來魚一躍帶雨識魚

跳

北園

菡萏暑風曉芙蓉秋露時青山無限好明月故相宜雨
長穿城竹湖深隔岸池春堂夜留客舉首問南箕

水西葉氏園

石林
之後

風月欲在眼園林須傍家峻嶒飛翠巘颯灑舞綃花門
近山光入堂深樹影斜猶將小西景更為石林誇

俞氏園

好景環深院名園得故家樓高春帶月池曲曉催花亭

着城頭穩溪浮眼界賒成陰雖歲月老樹看槎牙

雲川
名園

園惟俞園
歲月最久

王氏山居

豆粥通幽徑松杉蔽野門眼空樓外碧身落洞前村荷
靜風巖曉梅開雪月昏環山書未捲林薄鳥聲喧

六客堂

山水吳興窟風流一代雄滿城溪月裏六客笑談中玉

骨埋黃陌雲書掛碧空

六客堂東坡所書也

聲名百年舊無復二

三公

碧瀾堂

照影瀾飛碧臨深雨過涼夜橫千榷月冷浸一溪堂魚躍翻寒藻鷗閒戲夕陽百年數行客幾度樂危檣

題顏魯公懷忠堂

羽化仙家久祠嚴雲水東一身終許國千載獨懷忠徙倚豐碑舊瞻依古像雄堂堂祭如在從祀有坡公

慈感寺

門迫滄浪水堂深太華蓮光芒珠一粟相貌佛諸天

寺藏

蚌珠具羅漢如來相

樹老半無葉僧閒誰問禪雨暘須大士澤國

屢豐年

遊慈感寺用壁間趙安石韻

薄俗冷還暖餘年春復秋詩窮無限意身老半生愁飽睡書慵展居閒客強留功名羞鏡裏白髮奈盈頭

慈感寺放生

生滅成宗劫慈悲種善因紛紛嗟蠢動一一付波臣物
我形聲異人禽愛惡均不堪明月夜小艇擲絲綸

慈感寺四月八日浴佛會

一剎傳經地諸天誕佛辰猶將清淨水更浴涅槃身居
士應無垢菩提各有因要須憑苦海萬里滌情塵

同周可大莫子章同遊證通寺

好友頻相過閒愁一笑忘逶迤蕭寺徑淡泊老僧房飽
飯溪山足空門日月長歸來懷妙語心地轉清涼

天寧寺有石曰卞山脚石上多名公題蹟

隱隱來崗續沈沈土脈縈一峯庭下立十里地中行石
脚猶依佛山腰恰近城摩抄嗟歲月風雨幾題名

侃老捨天寧寺往遊何道二山二首

拍手笑無語挑包去不還行行餘一鉢歷歷上諸山明
月隨方照孤雲任意閒猊床待師處猿鳥撒松關
飛錫真遊戲論詩解往還一聲獅子吼十里道場山綠
竹靜無語白雲長自閒趙州應路滑無復嘆間關

遊清涼寺逢說命者傅會云帥垣星照西方

奔走纔千里辛勤說五行星躔初下照君命趣東征萬壑乾坤注千艘日夜橫江山看不暇此役快平生

峴山塔院

野寺埋荒草浮屠出近郊松聲來葆樂竹影亂旗梢地僻鐘魚響庭空燕雀巢斷崖流澗遠隱隱下山坳

送惠老往往上方

又作西山去潮音鼓一通叢林推此老詩社得諸公着

眼浮生外衝風逆水中殷勤三請已此意不雷同

過富池廟

祀典名稱重神靈遠近聞陳牲共豕一裹飯集烏羣水旱憂民切江山護國勤丹誠禱祠下不敢事虛文

霸王廟

志大無遺策天亡有愧心威稜空炯炯祠殿獨陰陰木秀千年古溪流萬折深江東父老意羯鼓奏新音

過三山磯有廟祀李氏女嘗以詩託之過客夢

中江神曰遊奕將嘗求經於陳惠公得冥司遷

職

磯到三山峻濤奔亂石濱吟哦靈女廟遊奕護江神古
往人何在幽冥事已深平生仗忠信持此問天津

訪趙王北園荷池

小熟烏程釀重遊習氏園亂蟬依柳噪疎雨趁荷喧短
櫂雙溪靜輕鷗一羽翻青山滿歸路新月送黃昏

過鄰水縣橫碧川

一水橫空翠羣山送遠陰臨流新柳媚隔岸小樓深五
斗淵明米菴年子賤琴可人山水縣莫倦讀書音

出東城觀水

浩蕩東城外微茫病眼開烟颿一鳥過雲插亂峯堆綠
水漫漫去青山哀哀來飛邊雙鷺沒天末晚風迴

駱駝橋

家住雲水窟路分蒼雪溪天高橫蛟螭水闊跨鯨鯢捲
浪去還却行人東望西帆檣驚歲月橋柱幾人題

甘棠橋

波入南溪綠荷薰夾岸香一川虹倒影百步帶橫塘

邦人

為橋如腰帶形

舟傍橋邊柳魚驚月下榔人亡遺愛遠誰復賦

甘棠

舟行夜過甘棠橋

遠鼓三更急長虹十丈低影浮冰鑑月身渡玉壺溪畫
燭人應醉桃源路肯迷疎星與殘月點點下玻璃

舟泊竹篠港夜坐誦後山詩

沙岸人歸後船窻月上時霜風竹篠港燈火後山詩歲
晚羈懷惡江空熟路遲鄰舟一尊酒不使老夫知

日暮遇逆風泊赤壁

赤壁磯方到黃州路未遙辛勤四十里跋涉兩三朝戢
戢牛羊下閒閒鷗鷺驕忍將今歲月容易客中銷

舟遇逆風有葉舟坐二小兒以一竿掛二笠代
帆而來

小艇浮孤葦垂髻識二童巧將雙箸笠快奪一帆風去

去漁歌裏翩翩麥浪中吳兒慣浮浪早已逐飄蓬

舟行邂逅別吳子明郎中

杜宇催歸急青山送客忙去帆辭斷港過眼接危檣親
戚五年別尊罍一笑長山西墮殘照不忍醉離觴

庖人舟以風殿後早飯不繼

帆席攙前去炊烟落後陳一杯羹已飫方丈食何因自
分貧兼客休嗟愁殺人江風吹送穩晚酌待頻頻

舟中懷稚子

遠浦三更月春風一夜程平生慣安靜多病怯征行急
櫓誇先後連山護送迎關心小兒女幽夢落東城

觀魚舟得巨魚

猛作修鱗想觀魚憶故濠橫舟排細浪敏于奪銀刀過
熟偏宜酒餘鮮更帶糟忍窮須忍口老矣為渠號

舟過七里店迂客

漲水一篙足環山七里長維舟橫畧約驚鷺入菰蔣話
舊人俱老相嗟鬢各霜年來慵不出猶未免迎將

舟中酒味甚酸許深父清使以家釀來亦不欲受

樽酒稱臺餽牢辭以例陳獨醒心已醉不飲意如春凝望嗟陶令誇醒笑伯倫兼金有前訓寄謝白衣人

月河

路轉雙溪曲河灣一逕通清秋楊柳月落日芟荷風直抵濯纓水當前文筆峯滿城佳氣聚擢秀美群公

練湖

練湖四十里徃徃半徐州巨浸膏千畝餘波濟萬艘回旋迷宿鳥浩蕩狎飛鷗父老相迎問猶懷早暎憂

入淮

桐栢分源遠清流接泗濱於何辨邊境不忍問淮民北顧關山在西風草木新天河如可挽吾欲洗邊塵

上官桀詐令人為燕王旦上書言先疑有非常臣願歸符璽宿衛察變上曰朕知是書詐也後桀燕王等謀廢立事覺盡誅

燕國歸符璽將軍有謗書君王嗟詭詐黨與恣趨趨白
日中天照浮雲掃地除狂謀身一敗邪骨滿邱墟

高廟災董仲舒推說其意藁未上主父偃候仲
舒私見嫉之竊其書而奏焉上召視諸儒呂步
舒以為大愚下仲舒吏當死詔赦之

老學推占後姦人媚嫉初懷私真詭計候見竊成書猛
欲擠賢轍寧思戒覆車那知一回首身已斃誅鋤

文帝登虎圈問尉禽獸簿不能對虎圈嗇夫對
甚悉上拜嗇夫為上林令張釋之曰今以口辨
趨遷恐天下爭口辨無實遂不拜

辨舌機鋒銳言簧巧意傾一聞賢者議衆鄙嗇夫名利
口宜深戒違顏願力爭須知玄默化帝已久躬行

文帝議以賈誼任公卿絳灌馮敬等害之乃毀
誼曰洛陽年少擅權於是天子疎之以誼為長

沙王太傅

諸老諛言入長沙遠地留一聞天子議衆嫉少年謀身

墮姦諛術誰寬痛哭憂至今言絳灌猶為孔門羞

張湯治獄皆窮根本上欲釋嚴助伍被湯曰弗
誅後不可治巧排大臣益見尊任後以懷詐面
欺上使使簿責湯湯為書謝遂自殺

最是慈祥日為臣慘刻聞鸞弓屠善類刺骨見深文流
毒嗟苛吏傷恩負此君不知慚簿責一死尚何云

遇張玉叔荆漕自潼州易節來言蜀人兩載前
以制帥相期矣

上愧三朝老深慚四蜀民君恩無語報世事有前因叱
馭寧論遠捫參敢愛身但思強健日歸計莫因循

孟子開宰餘杭二首

畿邑三年令先聲百里春公朝勤恤隱吾道足親民不
作勞人想猶堪發及新從渠清俗論峩豸已知津

得友寧論少登門不愧遲交游今有幾襟抱獨相期笑
我方椎鈍如公政驟馳我今懷舊意不敢愛於詩

武康縣治松桂林二首

松桂論交久詩書造道深猶於官事日不忘歲寒心此
地賡酬句他年蔽芾陰男邦有佳政應促詔綸音
詩競山川秀亭隨草木新弦歌魯言偃吏隱漢梅真淇
苑雪霜搯廣寒宮殿春相望不百里一葦要身親

遺雲液新醇花勝正焙于制幕

彥聚有英倫公餘無雜賓一尊雲送液寸玉雪先春浮
蟻酒中聖團龍天上珍遣之陪幕府聊以款車巾

曾同年南仲至自德清二首

歲月飛梭急交游細雨疎故人欣戾止之子最相於話
舊須尊酒奔忙缺飯疏不酬千種意空寄一行書
老去慵馳鷺詩來慰闊疎吾廬聊復爾仁里盍依於乞
米慙書帖呼兒笑擷蔬強吟鬢撚句博得玉鈎書

和同年張唐英懷弟晉英韻二首

舊學知何補丹心早已平過從欣故侶慨慕熟英聲笑
洽愁腸釋詩來俗眼清君家好兄弟何愧洛中程
嗜利終羞澁論交愧懶昏日高炊閉戶客至倦迎門多

謝鏗金語來如挾纊温窮年得嘉友花柳樂村村

和張思濟縣尉韻二首

作計尋三徑論交獨兩生相過真有意多病只垂情老
怯終年別詩煩一夜程懷思幾秋夢月落曉溪橫
書債頻年積舟行一水期稍吟秋夜雨不盡故人思正
為才高累寧論事了癡相忘心屢折落筆更蜚馳

和唐英韻

客久催歸馭愁牢愛大杯驪駒勤詠歎行李尚淹回皇

甫有書至蓋公何日來巾車莫濡滯祇此取鹽梅

和丁端叔九日韻

風雨重陽候旌旗五客遊清樽煩卜夜歸鬢但驚秋薄
暮靄雲散傾城終日留晚樓東望除萸菊故園秋

和人懷歸

宦海風波惡窮途故舊新匹夫猶按劍夜壁莫投人狎
水舟沉羽防城口累身歸來老丘壑一笑樂吾真

和林子長家庭韻

諸郎方競秀蘭玉謝庭家國士無雙譽蟾宮第一花侍
嬪歌采管筭鬢挽堆鴉已辨如椽筆綿綿賦瓠瓜

和惠老自上方來住廣福寺韻

歲晚逢三友身閒愛一丘喜聞孤錫至又向白蘋留失
笑拈花手無人野渡舟個中須具眼著語待公酬

鄉人徐辯道見過自云有昇平遺策當挾之西
遊乞詩祖行聊作一首

鄉翁初識面獨往定何如客舍風霜急權門韋布疎北

書應有犬南食尚無魚身外祇遺策蒼苔空故廬

故人爽貸粟之約

小泊漁舟晚春風燕子回從渠三月約誤我一舟來風
雨故相厄溪山猶可陪人生竟何有此抱向誰開

謝王進士惠近作

秋入淮鄉老風連塞鴈悲一書煩故舊七字更新奇我
已歸颿日公方客館時天涯每相遇不敢愛於詩

謝李蕪善書庫寄近作

筆下陳無已香分一瓣竒有孫今見嫡得髓政忘皮懷
舊書來日驚人語妙時猶思頻咀嚼燕子百篇詩

謝趙周錫制幹和篇

甫擲拋磚句俄驚翻水成源泉誇敏思擊鉢噤無聲白
玉雕鏤巧黃金煅煉精我慚非腹藁不復敢披呈

疑獨學錄屢過僕言詩又遺以成編蓋區區每
有意於此而拙無佳語為大恨因作鄙言奉報
初聞富經術頗復事風騷作者意不盡斯人才已高大

編來警策短髮對爬搔好語遠相避獨憐曾幾遭

泊金陵得仲元書

親戚不忍別弟兄那可離枕邊鴻雁信天外鶴鴒詩老
大須長健音書莫較遲今朝萬金至無語不成思

興化吳宰商卿來書

百里報消息一緘勞寄馳但知懷舊切猶恨得書遲儒
者可言政淮邦當易為問君安否外別後幾篇詩

讀書

官牒剛馳逐篇章半掃除稍尋無事日重理舊時書筆
硯寒燈寂軒窗晝景舒政須堂下問糟粕意何如

持課

夢接三乘境香勝一柱薰風窓獨趺坐烏雀聽聲聞自
想金剛會心存貝葉文稍蠲煩惱毒天雨看繽紛

周可大攜子入山讀書

一日不覲面三秋應動心剛聞將子去又慣入山深飯
飽羣書樂窓閒萬竹陰扁舟纜千里得得要相尋

訓子

投老尋三窟傳家只一經呼兒親料理開卷熟叮嚀我
已頭居白誰堪芥拾青頗懷蘭與玉長憶謝家庭

展掃先塋

寂寞千松老縈紆一水通重來驚鬢雪遺恨滿春風拱
木人何在傷心淚已窮羈懷不成寐月落半山空

展掃先塋省伯氏用前韻

久作弟兄別相看笑語通寒窓酌酒夜落月對床風志

得寧論晚名高不畏窮君看天下事一一漫彫空

閉戶

戶履無人滿庭羅盡日張閉窓書白羽清夢熟黃梁瓦
甕茗溪綠銅鑪栢子香出門本無礙龜穴慣深藏

曝書

紅日庭初熨青編手自摩烏跋浮竹簡魚蠹眩陽和眼
恨頻催老書慚未觸多相看不相棄同老故山阿

試硯

斷壁推良質寒窓足雅供點分鸚眼秀色漬馬肝濃巖
浸端溪月紋藏古歛峯可憐方寸石筆下幾迎逢

治藥

藥採人間足方從肘後參年來醫罕問老去病多諳風
雨闕淫疾刀圭辨苦甘君看不龜手猶敗越人南

理髮

揀髮亭移晝臨風手獨搔愁添絲幾縷老怯鬢雙毛自
歎頭顱薄空懷膽氣豪年華莫相逼疎櫛已如縲

懷仲子病目

秋日家鄉遠西風去鴈遲
小兒應藥喜老父數歸期
昨夜三江夢今朝五字詩
至情如飲水冷暖自深知

家信報仲子目疾已平用前韻

峴也平安久書云傳遞意
寬千里遠歸更一旬期
眼過無非景身閒足可詩
江湖終欲老鷗鳥已先知

有感

萬事緣憎愛孤衷只恣愚
歸與乖俗好老矣誤時須
舉

世冲霄鵠何人濫吹竽
窮通一不問無復鬼揶揄

偶成

老眼慵開闔閤窓
獨欠伸夢殘亭過午
滿永箭浮申黃卷捲舒足
黑甜滋味真生涯惟一枕
百慮不關身

燈花

一點寒缸照樓頭
夜鼓搥報人初綴玉
戲我只空花身已遺
榮辱燈宜誤逞誇
焚膏疇昔事墻角
幾檠斜

自適

有地容投老無田解賦歸浮生幾朝露活計一書幃閑
只詩添債愁應帶減圍人間翻覆手莫怨是中非

絕糧

舊索長安米今無負郭田平生一飽計歲晚百憂煎漂
母今何有王孫空自憐日高亭啟午寒屋竈無烟

淮白

未識淮鄉味饕餮老不衰及茲秋水漲已食小鮮肥衆
口雖難美饑腸本易為豈無鱸膾好物以罕為奇

古鏡

老眼羞看鏡華顏怯半霜棲遲勲業晚孤負歲年長月
透光深杏花搖影頰頰衣冠從爾正不趁晚來粧

景山寺古鼎

小憩山前路清談得道僧愛渠惟一鼎持此共三乘製
作前無古摩浮喜不勝茲遊真可樂着句憶吾曾

靈壁蹲石

幾朵連峯峻千年古鏡浮氣分靈壁秀聲逐泗濱流笑

我成孤影從渠老一丘山川多勝地擊拊嘆中州

洞庭立峯

絕壁橫翔勢當軒偉岸姿一峯雲欲下亂蘚雨頻滋獨
立霜寒耐銜空月影節緬懷黃石事猶想毅城時

玲瓏山

頗恠玲瓏景渾疑雷雨穿燈分巖下徑目駭洞中天傍
磴莓苔合環山草木鮮白雲時欲下烟鎖閉神仙

與副判王領衛論奕象

輕兵三十二一着見安危匹馬渡河日單車馳敵時棘
門漫兒戲淝水付枰碁小試平戎手將軍更出奇

扇畫雪景

杖屨初寒裏林巒幻景同生綃明月影淡墨老霜叢點
染三冬雪招邀六月風呼童不揮手殘吹襲簾櫳

壁畫竹鶴

風月寒窓寂丹青半堵開南墻看儼立華表認歸來邈
想風聲唳求棲鳥雀猜雨餘新著色點點上蒼苔

卞山石林

物是人非舊堂空語不應千重雲天矯百態玉峻增斷
壁苔封徑懸巖樹掛籐指頭重覓日猶記昔年曾

午陰小飯

草樹澗邊青人稀自掩扇陰沉沉端午水晴映半天星倦
枕敷橫榻枯藜傍小亭誰知一杯酒小醉不嫌醒

和惠老元日立春復雪韻

一聲春正曉雪裏薦新年攬鏡星霜久催人歲月邊化

工原著意物態漫爭妍我老心尤遠居閒覺地偏

歸自郊外遇雪

細雨初收脚飛來已滅身固應宜瑞雪未必困人行酒
裏寒猶重吟邊語未新更憐渠白叟呵手訴車塵

和某提舉喜雪韻

冷徹孤裘薄風圍柳絮堆雪先迎臘至梅怯後時開曉
色連山老年華兩鬢催浮生驚節物誰與賦歸來

欽定四庫全書

東塘集卷四

宋 袁說友 撰

七言律詩

元日立春

春日簾幃線幾添更隨桃菊快新瞻
曉看密密輕絲墮
晚作纖纖細雨兼可喜
田家餘穀粟也應澤國飽魚鹽
年豐更樂強歌化知是曹裝漸趣嚴

今月以令夏受代

元日得雨

知時膏澤下新正便覺欣欣物意生
細雨寒梢半簷滴
單床孤夢五更聲
兩年元日嗟萍梗
萬里殊鄉付酒觥
不似斗杓容易轉
只今迎歲指東城

惜春

不緣雨雪不緣風
九十風光半已窮
嫋娜熟眠楊柳綠
天嬌濃醉海棠紅
客懷不直韶光好
詩興猶因景物雄
投分東君未應薄
乞花償酒強迎逢

梨花

東風日日點征衣
野闊林疎四望奇
景物賸供行客眼
梨花更索老夫詩
登山趁得春三月
帶月猶看雪一枝
七日崎嶇三百里
倡條冶葉故相隨

和楊誠齋春雨韻

十年此袂與君分
一笑樓頭日過晨
真箇愁來真似夢
不因詩到不知春
雲霄元似非關我
風雨何須故惱人
猶得吟邊慰懷抱
絕知膏馥乞諸鄰

早行遇雨

約得東風二月春稍陪孤擢曉溪行酒能寬我三更夢
雨不饒人半日程愁對梅殘初話別懶看桃艷欲欣榮
紅塵未達心先退不是宵長故獨醒

四月雨應禱

夜半溶溶四面遮雲峯推起阿香車只今隴上誇多麥
誰為丘中賦有麻喜見綠針初刺水笑渠青笠趁燒畝
偶然精禱誠非昧應有歡娛田舍家

趙再可邦君六月雨應禱

長夏何堪日日晴德音優渥遍羣氓黃堂少試為霖手
赤地今傳喜雨聲誠意自知闕善政天心正不遠人情
四郊已報田家語一飽應無百計營

禱雨於保福寺是日大雨至

常暘為虐勢流金稽首長松幸屈臨一佛等慈憐苦海
衆生度厄浴甘霖沛然而下期中熟可以無饑免大侵
好雨令人愁抱釋追思疇昔尚熏心

和趙成子提幹喜雨韻

一天膏澤下民區此意拳拳敢自居欲寫吳歌誇歲好
苦無傑語愧才虛稍留佳客聯珠履共酌餘觴笑麴車
試問蘇州兩年熟豈無名筆作去聲農書

十年三已冒為州每每於民有旱憂午聽雷聲鳴屋角
晚驚雨脚壓雲頭及時三日為霖好為汝千箱樂歲求
欲辦一椽名喜雨愧無老筆贊宸旒

和子西喜雨

戰龍捲水動詩兵著語才非喜雨亭但得雲航香顆顆

不愁霜髮短星星秧針刺水輕浮綠麥浪翻風半挾青
只願年年飽憂國度幾萬里一心寧

鄂渚得雨

江頭一夜水鳴舷江外歡聲百萬家已報主人詩滿袖
更誇使者雨隨車支離田父烟簑濕辟易炎官火傘斜
一望阿瞞狼狽地村村刺水透針芽

連雨

一月長晴窘漕渠更留殘暑要驅除飄風也解終朝久

驟雨新添二尺餘但覺天公真有意不知民力已潛行
田家是處均膏澤兩岸歡迎使者車

大風雷雨

雷風一息到山西歌側村花不自持際晚甘霖如倒峽
今年香雪可翻匙綠秧蘸脚元非堰白水齊腰不恨遲
浪說隨車誇故事但知憂國願無饑

中秋無月

皓魄埋雲未肯收佳娥寂寞為誰羞可憐數點不多雨
誤却一輪無限秋急掃妖氛天外去莫教微影暗中流
終當永夜清如水我為停杯更倚樓

海棠

江行了不接春光江路欣者得海棠淺蘸輕紅叢蓓蕾
細開濃白巧梳粧蜀花但鬪臘脂濕荆種新傳膩粉香
行客紛紛正寥落為渠着語快飛觴

江行得水仙花

徹底清姿秀可餐柔枝不怯膽瓶寒三星細滴黃金盞

六出分成白玉盤是物合陪僊子供何人遣傍客舟者
山礬似俗梅偏瘦別與詩人較二難

和施德遠雙蓮韻二首

老向塵埃度歲華不堪才拙負州家天公着意成豐歲
地產無心出異葩亂翠綃中雙暈臉抹青山外兩凝霞
何人欲採蓮歸去我有輕舟試一拏

政拙才疎只具員也應和氣到吳邊鄉來偶爾雙歧麥
今復申之並蒂蓮頗覺園丁驚創見正須騷客賦新聯

天休要是傳消息得得裝成大有年

迓金國聘使舟中逢玉簪花

扁舟伊軋亂秋聲花下新涼暑不侵濃葉襯成螺展髻
芳苞拆盡玉垂簪誰將茉莉評高下未必清香較淺深
把酒問花花不語微吟空伴小蛩吟

新繁縣麥秀雨歧

豐碑嘉瑞熟摩挲後至深慚拙政多魯國不聞三月治
漁陽敢說兩歧歌年豐今日魚鱗夢農兆前村鸛鵲窠

又見東阡西陌雨倚樓遙望濕輕裘

麥秀三歧

用過其才愧弗宜但於牧養要張施未應拙政才兼月
森出來年過兩歧長短異形垂美穗青黃間色識新枝
懸知瑞應由明主自是豐年屬聖時

午晴觀孔雀

異雀逢人正美觀一鳴晴日傍欄干昂頭未展雲霄翼
掉尾先搖錦繡盤危坐我方詩興切薄寒誰伴酒腸寬
世間最是羈懷惡猶得亭花著意看

沿溪轉山入野亭小飲甚適

惜此青青一日春愛閒因得兩三人於身度密窮山崦
隨意居寬趁水濱逸飲不成愁淡薄苦吟終是喜清新
物華時世相沅轉今古之間幾窖塵

過霞山小飲

霞山書院醉焚香細雨輕陰見海棠春動舊懷杯酒後
晚吹新恨笛聲長或紅或白花饒笑為整為斜草更芳

寄語風光易塵土相看流轉且相羊

張守招飲

是日王勉夫到明
日嚴文柄之吳中

春風吹作萬家春誰得聯鑣從使君
微徑問花同載酒深堂剪燭細論文
王郎把臂簪仍盍嚴老呼舟手又分
安得雲龍隨上下佳辰不復難離羣

余應卿招飲

東門郭外七桐裏知有宣州別駕家
再世從遊心自喜暫時觴咏語無諱
平田寒日行孤鶩枯木淒風集亂鴉

酒聖詩狂休問我淋漓顛倒任橫斜

陳主管招飲

時納
婦

鵲拳庭竹語頻頻忽有書來寂寞濱
盛事許同花燭夜芳辰仍醉綺羅春
璧聯香閣初鳴鳳霞泛仙觴定脯麟
更辦歸裝擲珠玉一時人物各詩人

霞山葉學諭家梅下飲二首

歲闌何地看梅花霜日新晴晚更嘉
古觀去尋寒士屋山園來近舊人家
香傳細密聞仍久影倒高深落又斜

同是溪南閒澹者暫時相賞醉無諱
不待梅梢三兩花任他酒薄漫殺嘉恍然靈運穿林屐
妙矣王維入畫家靜聽喔咿雞唱曉明分疎落鴈行斜
醉吟却是尋芳客惜取殘冬一笑譁

同子隆次公小飲

老境昏昏只醉眠不知門外艷陽天奚為有客携壺至
又以閒人到酒邊山路試登桃映日溪城一望草如煙
春分花事今多少未覺心情勝去年

送彭世昌山臺小飲

象山只在水西頭雲木猶高瀑更流往事何能話師友
時情徒與惜交遊東風又綠溪邊草明月還歸天際舟
白髮蒼顏吾亦老一尊臺上洗春愁

登第一山

極目俄登最上巖秋風哀草塞雲間漫游江浙幾千里
今識東南第一山志士逢時寧恨晚壯懷有淚不須潛
興亡自古知多少天道何曾不好還

和南伯山行韻

日日登山復下山崎嶇分寸絕難攀已無魚腹江湖慮
肯怯羊腸道路彎滿目詩才供客子一杯醺醖染衰顏
四方弧矢男兒事捫盡參墟莫畏艱

千峰踏盡又層坡冠染征塵不暇裁佳處賞心惟酒爾
愁時引睡柰詩何憇亭尚遠日先暮脚力已窮山更多
白髮對山聊自醉如公自富郢中歌

遊金焦二山至汲江亭用前韻

江山萬里憶徐州十月迎風度小舟極目不知天外景
亂雲遙接水中丘此身五十昔未到著語再三今可酬
欲把邊塵聊一洗只今更吸大江流

過揚州平山堂邂逅許深父主漕

平生踪跡半江湖歲晚淮鄉識舊都小却車塵行復止
要看山色有還無闔山回首嗟何限風景於人豈不殊
猶得故人談世事金城方略政堪圖

泊姑蘇館

衝風挾雨到蘇州贏得檣烏半日留豈是甘棠無剪伐
浪持使節幾經由羣觀底事多耆老一笑猶能認故侯
回首齊雲舊游處西山端欲送行舟

遊滄浪亭

出門猶未識滄浪勝日能銷一詠觴綠障千巒森羽戟
翠綃十頃颭池塘清談杖履窮幽徑歸路籃輿帶夕陽
豈是此纓無地濯可憐長說簿書忙

和應憲使遊滄浪亭韻

使星兩兩照前山筆下高吟萬選錢絕景政須終日款
茲游真可以詩傳深林遇雨排清晝晚日迎風浸碧烟
千載不渾亭下水俯欄猶得繼前賢

和韓侂滄浪亭韻

平生公賞最巖居肯作癡兒失故吾正爾不堪塵滿面
為君何惜酒隨車十年夜隔青藜杖僕去館已十餘年一日身
游碧玉壺莫道欲歸歸未得買山作計定何如

春日懷錢塘西湖

只今春色滿皇州料得西湖已縱游
出郭競聯城下騎尋隄同上柳邊舟
恨無兩翼從渠去曾有諸公念我不
到底長安風物外遠方何敢詫遨頭

和董顯之留西湖韻

開門喜得故人音訪我浮生一旅亭
老大區區驚歲月功名落落負簪纓
有誰知己頭空白舉世如君眼獨青
羨子百篇詩在手湖山相望不勝情

和忠父于先生西湖韻

先生擺脫世間緣老去猶堪十萬錢
氣節向來投匭意風流今說詠梅篇
飽聞東閣掄材久未許西湖對客眠
聖主如天懷讜論只今此席為君前

遊武昌東湖

只說西湖在帝都武昌新又說東湖一圍烟
浪六十里幾隊寒鷗千百雛野木迢迢遮去鴈
漁舟點點映飛鳥如何不作錢塘景要與江城作畫圖

和趙周錫制幹峽中韻四首

西陵峭壁路初經但見攬空兩岼青天近下連蒼玉嶂
山高傍湧翠雲屏劃開龍虎沅三峽勅下雷霆遣六丁
終日橫風倚江轉恍疑身世在滄溟

千仞山頭更有山一山去後一山還林巒有路春田綠
仙洞無人夜啟關岫列千屏森葆衛石藏五色像形顏
舉頭待向峽中望見說青天近一斑

急峽高江日夜東嵌空恠石浪穿礮濤喧灘口波翻雪
雲斷山腰氣吐虹幾陣堂堂峯砒砒一泉滴滴水玲瓏

我行天下今將半安得名山如此工

絕景都忘峽路長江風時送野花香峯排玉帳腰凝雪
泉溜珠簾乳滴房後日竒山猶續續而今偉觀已堂堂
雄篇曲盡形容妙滿袖珠璣到旅囊

和同年成峽州韻

平生蹤跡雁門跂投老猶甘萬里馳夜永尚速行客夢
曉來新得故人詩秋高尊美念歸處月白清下水時
此日此身無羽翼輸君先去訪鷓夷

過皂角林

南北城高俯整深過帆猝猝倦登臨兩山未遠瓜洲渡
十里俄驚皂角林坐想英靈猶炯炯眼看祠廟獨陰陰
塘村共說興亡處笑指東河血未沉

和羅春伯奉常寄題稽山閣韻

公來祇謁自周行脚踏稽山意遠翔疊嶂排雲烟杳靄
半天得月夜淒涼無言可狀湖山好有客來時錦繡張
底事東吳聲重螭頭塚筆冠文場

遊齊山用唐杜紫微韻

聯鑣出郭疾於飛好景留人倦式微盡日山行惟所適
夕陽堤上詠而歸摩挲苔壁嗟前事徒倚巖亭惜寸暉
空憶樊川秋影去為誰重唱縷金衣

泊沙市

雪浪雲煙日卷舒去城遠近聚廛居千年隄岸圍沙市
十里人煙半竹廬荆國平分荆水闊楚樓遙接楚天餘
江民日與波神狎只把濤雷當喻噓

同莫子章方舟下龜溪

一舸相從下碧瀾城南百里話更殘絕知未減在家好
政自不愁行路難舒望最堪詩眼縱忘形只覺酒腸寬
歸來頗訝山頭黑果是西風一夜寒

順風至來石

快哉真得楚王風鉦鼓喧江四面雄但欲帆檣催上水
敢辭井路傍西戎江空歲晚飛烟外人靜霜明過浪中
少泊山腰羌笛斷一樽那肯為詩窮

過楚州用霍希文韻

夜入山陽鷓首東單車出郭更匆匆欲知勢扼三江近
政以城高百尺雄此恨終天身未老何人抵掌氣凌空
連雲細草秋風下把酒長吁問化工

被旨往許浦閱兵風雨中舟過梅里

濃雲障日卧前山已覺林深寸步難風雨於人本無意
筋骸如我不禁寒小窻飽聽喧江浪蕭寺時驚落岸灘
慨念興亡千古事夜闌相對說江干

銅鐵堆

過峽江銅鐵堆由是分荆蜀界

千峯插碧繞江面兩石中分銅鐵堆東岫附庸方翠嶽
西山儼立更崔嵬懸知造物精神巧幾誤良工斧鑿來
萬里西舟今蜀境安流到此莫辭杯

自常熟敲冰行舟半日一夜僅十里

到曉纔通十里冰頗憐黃帽歎征行半篙不下風霜夜
一日之間水陸程無復穩時村路滑不勝危處斷橋傾

驅馳原隰皇華事筋力猶堪誓此生

周錫自蜀歸浙

東甌西浙兩黃緣齊止金陵萬里船風月醉中同客夢
簿書叢裏讀詩篇懷歸念我方投劾勇去輸君已著鞭
歲晚江空颿力滿長安春好正朝天

送葉表姪歸鄉

枌榆離別幾春秋作計吳中祗謬悠回首故園三嘆息
喜君歸路兩經由懷鄉誰不思丘首游宦余方愧督郵

千里相忘未歸去家山時向夢中求

新河

楚州舊有磨盤河謂紆曲也乾道間濬而直
之目曰新河

路轉風回四面歌新河磨盡磨盤河一川漲碧分灘遠
萬柳排青夾岸多此日經行空歎息當年功蹟未鏤磨
客遊為愛瀟湘楚五日之間一再過

荊州道中

砒砢竒峯繞復環森茫大水枕前灣望迷荆楚山川外
浮遍乾坤日夜間舉酒欲吞雲夢去倚樓無復利名干
霧船風纜經多少老盡行人只此山

觀潮

倏見江頭萬鼓催更聞脚底一聲雷怒濤直欲浮天去
急浪猶能帶雨來豈但皇都誇偉觀要令區宇絕纖埃
靈胥勇志嗟何在共弔江山付此杯

閘柱

唐建洪澤間舊基猶存兩柱柱徑丈餘傳疑
云柱有靈凡舟過而誤觸之者能作孽

三丈圍寬兩木靈千年閘骨狀如城揚颿欲過心先動
擊柱纔聞念已驚東越梅梁猶逞異南城老樹也為精
昔聞求福木居士今向枯株免禍成

宿鄰水縣

酒餘孤館夢初回漸覺茅簷浙浙來夜半山前風薦雨
曉來崖底澗鳴雷騰添崗翠三分色呈出秧針一寸栽

恰得烏雲天外少鴛花無數惱人懷

紹興府學齋宿

從容黌舍日西流淺飲猶省夜氣浮小款話時殊淡薄
細論文處轉清幽諸公學業方加銳一戰功名要早收
我了齋祠便歸賦故園已作夢中游

釋奠齋宿

雲高天白夜沉沉墻外誰家送遠砧有月林梢鳴翠羽
無風窻下落黃金百年已老安仁鬢三徑空懷靖節心

病眼細書何齟齬短檠猶得對孤斟

和薛公叔留都城韻

年來更覺一身難却掃應須早閉關老矣壯懷空歲月
歸歟活計只溪山未堪鷗化搖而上肯類蠅營去復還
白壁深藏有餘地區區何必苦躋攀

和劉叔驥司戶韻

不飲無何一味羶聽渠七字輒欣然念非公子誰堪比
可柰吾衰不待年料得詩魔排錦繡却從筆力累山川

蘭亭若未歸修禊更伴劉郎發秘傳

聞劉將歸山陰也

和潘德久韻

曾讀桐江路上題斯文便合請君司向來吳會連朝語
晚歲揚州七字詩憂世自憐聞道晚論心猶恨結交遲
杭檣百里孤吟罷坐愛雄風約雨師

和陸成父韻

功名落落愧強年晚到淮鄉意惘然問月高歌聊自適
吟秋苦思替渠憐據鞍刺欲誇馳駿釀酒猶堪醉擊鮮

坐對晴雲淨如拭水光秋色正連天

和兼善韻

江湖踪跡厭萍游只有詩魔老未休
平日故人談語句暮年衰眼識風流
自能作意閒中趣無復關心世外愁
趁此百年身偶健為君一語竟須酬

和惠國博韻

平生心賞有高蹤更喜黃緣造化中
語次欲傳須柳子詩宗不愧是江翁
無言可究稱醇德有眼能看拜下風

共覩謝庭蘭玉秀只今攀桂廣寒宮

用吳知立韻

老去胸中句甚豪清風應笑我徒勞
可憐官事何時了肯使詩盟取次逃
刺欲論交思擊節不妨飲德要投醪
如君豈是長貧者自古詩成得綉袍

呈浙西張提倉

張為鄱陽教官去已數月僕來為法曹曾見於此嘗問訊所學

老椽當年意已傾執鞭雖晚眼仍青
繡衣公子初雲漢璧水先生尚典刑
負弩前驅容漫叟下帷覃思媿玄經

催科欲付翻羹手照我山行定幾星

入山呈孫使君

平生懶慢豈能剛身外微官似漫郎不恠閒居為消渴

何勞多酌本醒狂

僕早衰多病畏人懶出每從使君飲輒不勝杯酌

雪晴欲試

穿雲履背冷仍尋曝日牀為想騎牛破山碧晚風吹笛

野梅香

簡唐英同年四首

春風已落百花中鏡裏空嗟兩鬢蓬病懶未能禁酒困

多愁元不為詩窮偶然貞曜生同世尤喜丁寬易未東
聚散由來皆造化一篇我欲謝天公

早起孤舟掀浪中自憐老大要飄蓬風前索酒輕寒殺
夢裏尋詩始意窮帆飽急隨山脚去櫓回強趁水頭東
明朝已作掃門計未必堂堂舍蓋公

書生懷贄大門中一見歸來話小蓬坐喜情文渾不簿
退嗟吾道豈憂窮更將儒術重熙載要使君心亦欲東
若也銘勳在彞鼎古今何止一周公

舊言山色有無中今日環觀在短蓬遊子不堪歸路冷
篙師愁殺裏囊窮便回溪口風尤急欲到山頭月已東
贏得閒言擾詩杜煩君更語主人公

丁端叔茶馬會同年同庚

竹林賓主樂襟期並榜齊年兩見之丙午同生雖共老
甲辰笑我獨為雌秋鴻社燕時難值桂酒椒漿醉莫辭
半是天涯老行客者英當繼洛中詩

登蓬萊閣

癡兒官事苦相臨每到蓬萊慰賞心一水滎湖連海去
片雲帶雨入深深自憐老客從渠晚喜有詩翁到此尋
中外升沉政懸絕強抽荒思續高吟

饋小春茶於制司屬官

戊午新芽上蜀江表情未有敢先嘗幾年爭鬪無雙品
萬里書來第一網水截龍章浮碾玉爐煎蟹眼試憑湯
知君文字五千卷正欲冥搜錦繡腸

求酒於邵元實刪定

骨相酸寒不足論平生心賞舊家村七年誤索長安米
百病幾成楚客魂命薄不堪嗟分定官閒猶得荷君恩
秋風一醉餘疴殄須乞莊生五石樽

乞酒於林子長通判

衰顏得酒尚能頽笑我維罍恥弗盈無計州州幾從事
可憐白面一書生新筍競說鄰家熟好句慚無健筆成
傳語白衣人記取何須秋帽始關情

謝誠齋惠酒

褰裳樂得送迎翁遣句猶煩七字工頗識當年斤斧手
却慚昔日馬牛風平生楊敬惟稱項晚歲侯芭只守雄
便把黃封紅客眼一尊已當百壺豐

饋蝦腊彎魚乾於端叔

東西萬里苦相望海物時來自故鄉兩眼尚能驅水族

水母得蝦方能行

一彎猶解託丁香

一名彎魚

莫孤念遠勤將意且

欲均甘未敢嘗有詔知君便歸去古人驛寄願頻將

和沈德遠江鱈韻

粉身截玉慰渠貪浪迹泥塗遠著籃坐缺江生嗟不樂
詩來東老謝分甘世間風味鄞江頗傳裏形容太史談
欲報瓊瑤無一可移文空到北山南

橄欖來自嘉州

筠籠相逐到天涯喜見森森色正佳尚想紅鹽落青子
未誇黃密挂蒼崖眼中鄉味催歸夢足下跽音尉遠懷
稍待酒殘回齒頰餘甘猶足助談諧

岳大用寺簿惠佩刀

丈陣談鋒不可當小恢游刃向朝行一夫敵爾嗟長劍
十九人中見穎囊徐子身非逢季札呂虔心已識王祥
善刀我亦知藏去他日猶煩賜尚方

謝梁飭父通判登樓賞雪之約

蘿葱天濶曉光浮滿地斜飛玉作毬好趁陽春歌白雪
政須從事謁青州打門報我樽前約乘興須君剡上游
清絕有人誇盛事貳車携客醉南樓

和程閣學觀雪韻

入竹投窻細細添兩山瓊玉稱遐瞻巧於夜半將新歲
每以風回蹴上簾寒雀棲枝驚落屑饑鳥鳴食訝堆鹽
正須度臘成三白已覺西風勢轉嚴

和梁漕池陽道中遇雪韻

癡兒汨汨尚尋梅點檢花梢次第開客裏相逢秋日好
雪中重喜故人來歲寒過我留佳句夜半論文酌此杯
毋疾其驅行有詔江頭準擬送君回

臘雪二首

歲事無多臘近殘謝渠飛屑破天慳禱祠空愧兼旬力
造物惟消一夜間是則化工端有意要於官政亦相關
雪催詩後詩催雪更欲堆鹽滿四山

無計遮留歲月殘頗驚節物愧才慳可人臘雪偏宜處
屈指春風未到間猶得微吟供午枕不須高卧閉晨關
晚來碎玉零珠後已老蘇州一半山

喜雪

玉龍方急戰寒聲滿陣江風雪作茵準擬豐年須造物

編排佳境付詩人莫辭樽酒偏勞勸更喜江梅欲鬪新
愧我為州無善狀楊花何事已先春

誠齋指簷頭雪為詩材二首

春風着意向春宵巧作冰澌細細飄正好千門競燈火
故添萬瓦燦瓊瑤誰憐梅蕊猶含玉大遣楊花為奪標
一段風光付詩手物華正怒為君撩

使旌獵獵晝連宵賸說吟邊湧思飄曉枕已哦千樹雪
夜船更踏一溪瑤誰將春霰天然巧來伴寒梅別樣標

贏得袁家僵卧者開門今為好詩撩

五春日雪

料理風光興未殘老無詩手一何慳新傳綵勝排枝上
趁得水花落鬢間噪雀曉來埋屋角土牛聲已動譙闌
寒窻我欲觴眉壽不是羊羔醉玉山

欽定四庫全書

東塘集卷五

宋 袁說友 撰

七言律詩

恭和御製賜進士詩韻二首

雲漢昭回下建章
鸞翔鳳翥燦龍光
宸奎錯落皆謨訓
聖語丁寧示抑揚
自古求言開數路
只今兼聽極羣方
一篇默寓憂勤意
正為成王不敢康

堯言不數漢文章
謾說唐人萬丈光
百辟共知尊上指

羣儒何止戴言揚絲綸甫幸來中禁琬琰俄欣奏上方
京邑小臣觀盛事願輸忠悃贊明康

車駕過重華宮和陳止齋韻

曉到觚稜簇伏齊千官星拱馬無嘶清塵警蹕來宮闕
夾道歡聲浹耄倪孝治未應誇鄭隄皇威今已竦邊輦
小臣何以揚君德手舞相呼醉月溪

擬詠展觀太上皇帝御書

龍顏祇肅閱堯章寶軸神毫赫有光八法心傳齊帝學
萬年奎畫與天長襲藏肯比唐三傑墨妙尤卑晉二王
舜治方隆定于一區區發問陋梁襄

擬詠宴羣臣

宴錫蓬山煥舊章羣工列席侍龍光加邊折俎君恩重
合奏迴風韻語長擊筑為歌唾漢祖舉觴隆禮視周王
幸哉盛事今逢見願赴功名敢入襄

端叔奉詔還朝二首

清樽連日話辛酸正為中年作別難二十年間嗟契闊

八千里外得團樂湖山覺夢俱萍迹風月題詩徧錦官
一舸輸君已僇去微吟空抱屈平嘆
萬目環觀一節東江酣遲日漾春風君王恨見嚴徐晚
廊廟方資稷契忠四蜀正須煩筆下一言知己定胷中
少焉我欲歸田去拭目期君鼎鼎功

關兵給賚

小臣銜命入雲屯聖主如天詔語溫萬甲衝風隆士氣
一言挾纊荷君恩頗驚霹靂燒殘壘更想蒙衝上海門

欲挽長江問豪傑豈無擊楫歎中原

盧德華郎中將漕福建

疇昔相從在帝關更於歲晚接清班同朝所恨常疎闊
一歲之中幾往還便合橫翔來楚路未應清夢落閩山
誰將好雪留征櫂母疾其驅有詔頒

和虞仲房潼川運使韻

西湖樽俎憶風流今日檣烏過我州萬里相忘嗟又別
九華何惜更同游中郎有字新鐫石小子無言只點頭

及此公餘多暇日為君作計且邀留

求公為書池陽觀德亭記

再賦

飄然擊楫問中流仗節觀風十四州見說九重天語好
不妨萬里蜀山游大書競照光山色好句應題灑瀨頭
稍辨澄清早歸去周南寧復嘆淹留

和閻丘資深轉運判官送張同年韻

造門剝啄笑談餘過我頻迂長者車八詠繼吳推翰長
一封諭蜀屬相如岷峨詩富追風雅韶濩聲諧復古初
仰止騷壇方北面不堪官事蠹書魚

和浦勉道轉運判官巡行出關韻

濤雷殷晝候前驅駟馬橋邊使者車風約江聲喧笑語
山迎雨脚傍閭閻城頭北海傾樽後馬耳西風攬轡初
關外秋來聞小熟更將餘瘵入呵噓

和許深父轉運判官韻二首

我輩難忘故舊情為君滿意說詩清拋磚不愧塵埃想
剖蚌依驚的皪明官路幾年嗟契闊長安累月話平生

詩甯却趁郵筒急吟到揚州更袖呈
詩裏論交淡淡情箇中風味不勝清錦囊着句知才盡
山色逢人作意明已覺頭顱侵暮景尚堪風月快餘生
與君握手關心處媿乏琅玕腹可呈

送吳子明知閬州

聖主方勤西顧憂大朝臨遣遴賢侯蘭香昔在潛郎地
符竹今分古閬州蜀道難時雖萬里漢川佳處正三秋
莫嗟身落江湖遠魏闕心存記子牟

送同年曾南仲寺丞知溫州

久同朝蹟又同年更送旌麾過海邊多士向來親戴席
斯民今幸得蘇天潛心閣上書千卷鴈蕩山中草一川
小待公餘尋舊迹便歸玉笋聽鳴鞭

送樓攻愧知婺州二首

壯年才氣壓詞場衆已相期白玉堂垣制孰非經大手
斯文無復數他楊諸公政爾需調鼎一語翻然忽抗章
汲黯固知當大用得君徒欲重淮陽

三十年間企絕塵久同朝蹟話平生論文密處雖朋友
投分深時即弟兄自恨我無分袂語但輸君已著鞭行
東陽一葦杭之便毋惜公餘蚤寄聲

日華書自通州來言其同僚多唱酬

題輿羸得錦囊歸訓唱西崑事可追久不陪君三日語
政須燕子百篇詩寧甘吐吐癡兒事稍愧紛紛俗吏為
我亦湖山多暇日秋蟬時解噪寒枝

餞金使出北關風雨大作

出郭初行十里賒狂風急雨鬧田家香杭飽熟雲翻浪
蒼麥新開雪作花淺水半村環野趣好山一帶接京華
晚來踏盡臨平路風脚全收雨脚斜

次常熟縣先君舊所攝宰也

衝寒一舸下琴川小纜依依市柳邊花縣重來聽好語
棠陰深處不論年釣遊頗憶兒童舊風物徒驚歲月遷
老恐不任奔走力問儂何日賦歸田

守郡不能同憲使倉使游靈巖

秋風敲葉漾湖光兩兩星華古寺傍晚日一川迎使節
晚山十里送歸艍風流我已非山簡賓客公應念葛疆
豈是清游本無紛紛雁鷺苦相妨

司庾會稽道中答衢民綵幟送行

征車何事不容征綵旆歌謠塞路津徒以平生多拙政
偶於歲晚得衢民我方州縣慚尸祿汝向閭閻切愛身
料得去思均彼此一詩聊復慰邦人

過池陽舊治和呂子西韻

浮沉宦海幾春秋歲晚重來舊典州昔日青山雖在眼
故侯白髮已盈頭吟邊感慨關情久忙裏工夫着意偷
聞說峽江春漲晚捲帆聊為此邦留

送惠縣丞之官

立之何事屈藍田隱忍功名古已然預信鷓鴣只他日
莫嫌鳧鷖尚頻年征帆夜濕三更雨去路人欣八月天
話別匆匆毋重惜一封丹詔下天邊

和魏南伯縣丞韻

着語相過見一斑我慚尺寸強躋攀羈懷袞袞三江水
去路迢迢萬里山酒盞逢花尋客處詩筒將月對船間
固應侯喜多知己未必詩聲只汗顏

和洪叔晒主簿浮玉亭韻

亭為君來又得名公餘羸取眼雙明溪光影碎黃金艷
波面聲流白玉瑋夜半吳歌綠底恨晚來山色不勝情
風光我欲平分破故把吟邊當結盟

肅客借重金紫綬

平生青紫濫於身更冒金章肅使賓何以假為誠豈敢
烏知非有笑無因猿狙自是羞華服鸛鷺姑容接後塵
回首紛紛天下事有時宜假不宜真

成都府學釋奠

西風淅淅露溥溥釋菜雍容禮可觀冠帶三千嚴鵠立
風雲九萬欲鵬搏錦江曾吐胸中鳳泮水新回筆下瀾
拭目諸君快秋捷臚傳高壓萬人看

送呂武仲司戶范純之司法赴南宮試

欣然願作送行詩盛事江邦獨見之醜酒且同明月醉
驅車未怕朔風吹相逢暫入紅蓮幕穩去高攀丹桂枝
莫負玉階方寸地為言民力要扶持

送柯伯東省試

道義如君只幾人相從了不見塵侵一樽但覺論文細
三畫從知得意深自是強年應折桂不妨暮月早傳音
我今已辦如椽筆擬稱瓊林最後吟

送惠補之昆仲秋試

斑斑蘭玉不勝清長羨于門久日榮共慶兩蘇離蜀道
從今二宋到神京三年刻楮真餘事一日乘槎定策名
想得頤山來歲好綠袍黃裏照溪明

送聘儒姪秋試

八月靈槎萬里秋乘風得雋要遨頭吾家連已躋儒級
汝業今宜濟巨舟掘井莫令嗟九仞善刀終自見全牛
儒冠豈解真相誤有志應當萬戶侯

送薛公叔秋試

第一千二百四十九種

東塘集二十卷

宋袁說友撰

清乾隆翰林院抄本
四冊

續

集別集宋
5887

欣然願作送行詩盛事江邦獨見之醜酒且同明月醉
驅車未怕朔風吹相逢雙入紅蓮幕穩去高攀丹桂枝
莫負玉階方寸地為言民力要扶持

送柯伯東省試

道義如君只幾人相從了不見塵侵一樽但覺論文細
三畫從知得意深自是強年應折桂不妨暮月早傳音
我今已辦如椽筆擬稱瓊林最後吟

送惠補之昆仲秋試

斑斑蘭玉不勝清長羨于門久日榮共慶兩蘇離蜀道
從今二宋到神京三年刻楮真餘事一日乘槎定策名
想得頤山來歲好綠袍黃裏照溪明

送聘儒姪秋試

八月靈槎萬里秋乘風得雋要遨頭吾家連已躋儒級
汝業今宜濟巨舟掘井莫令嗟九仞善刀終自見金牛
儒冠豈解真相誤有志應當萬戶侯

送薛公叔秋試

沉落相逢雪水濱與君傾蓋即平生湖山十里雙溪畔
賓主三年一日情學海波瀾誇健筆夜窓燈火幾長檠
不堪送客杭州路更聽驚人快一鳴

鹿鳴宴

秋影涵江暇日長銀袍濟濟宴公堂九華佳氣眉間色
千佛高名馬上郎賸數連珠誇瑞應會看僊桂滿枝芳
春風得意歸來好衣錦聯鑣入故鄉

成都府鹿鳴宴

大啟文明會勝流同升更合上西樓三春得意桃花浪
八月乘槎桂子秋結綬偏應登鳳闕挈雲直欲釣鰲頭
乘除但看今年好六八名高五十州

集同年於聚景園

慈恩回首幾番春樽酒相期在帝京人事好乖知歲久
天公作意得朝晴向來禁籞所未到同此英遊真可榮
無奈斜陽又催去更憑餘酌話平生

餞送蜀進士入奉廷對

蜀才卓犖照賓筵秀出斯文萬選錢聖主龍飛初策士
皇朝春好正朝天丹墀獨對三千字黃甲重魁四十年
歸把羣書觀未見要令學業到純全

宴許成子魏華文二魁吳文伯節判陳表之教
授盧仲修軍資以考西省試同集

晝繡歸來自帝京魁星雙照錦官城持衡稱職真能事
勸駕何功亦與榮細與論文重款接要看落筆更縱橫
我歸便作江湖計拭目需君輔太平

同張元善集癸未同年

同年幾合幾分違三十年間見日稀尊酒相逢今也幸
詩書論政舊焉依慈恩故事嗟回首吳地清談對落暉
平世功臣在公等尚期努力佐龍飛

和薛子晉來慶癸未登第韻二首

雲霧油然託應龍姓名偶徹大明宮臚傳殿廡千官肅
聲到旌旗萬馬雄黃蝶飛來驚拜命青衫誤著敢言功
如何李邵猶能第造物何心本至公

寒菱也趁百花新眼懶猶貪上國春五枝怪能成薄命
一名却喜繼前人喚將好意詩頻賦洗却閒憂酒再巡
底事牛堪有歸序韓公平日最相親

會新第進士和陳振亨韻

梧桐風細月將樓猶得公餘款俊游喜入芳樽涼徹夜
風生綺席氣橫秋兩魁前躅高三輔八雋飛觴照一州
屈指吳門多盛事眼看勲業佐宸旒

蜀進士許成子魁天下用其殿前賦詩韻以志

喜

岷峨策足問修程入對明光近太清五十年間多士賦
三千筆下一魁榮斯文焜耀由奎畫是處流傳仰蜀纓
我已黃綠觀盛事更看公等致隆平

送誠齋二首

誰作朝陽一鳳鳴公朝今復歎斯人抗章寧奪三軍帥
去國尤輕一葉身政以青蒲姑夕駐更聞白簡為前陳
只今小試回天力它日擎天看柱臣

長裾端欲曳賓墀人事何乖遽別離未盡胸中懷舊意
又吟江上送行詩公名此去如山重我老誰憐似足跡
憑得征鴻寄消息書來猶記別君時

寄李兼善

湖山昔日記清游百遍相過語未休遠邇謾勞入室念
東西空望湘江流中年別去情尤惡幅紙書來意轉愁
歲晚漸於詩興好待君歸後飽賡酬

祝子正從范使君鍛以詩寄之

柳下嵇郎好在無深居應得靜工夫丹成便許隨雞犬
分定初知豢鶴鳧瘡處端能窺鳥爪夢中不用斷龍胡
別來亦有閒忙事日向黃家問酒壚

贈應童子

閩山佳氣毓英儒巾角胸中敵萬夫黃石固應傳孺子
玄文真可與童烏飽充器識觀他日莫負聲名滿上都
更憶韓公序文好成人之禮正相須

姚行簡撫幹歸雲川

一見油然慰所望巾車更辱到他鄉相從樂處光陰速
索笑濃時意味長樽酒未堪留好客湖山早已送歸艤
秋來尚憶門前路莫惜溪頭屢買航

和楊誠齋韻謝惠南海集詩三首

斯文宗主賴公歸不使它楊偕等夷四海聲名今大手
萬人辟易幾降旗天方欲治將焉往用不崇朝尚竊遲
整頓乾坤從小試南州昔日洗橫池
公嘗持節廣中盪平寇盜
玉海書來喜欲狂滄霞食澀齒牙香固應宗派名江右

辰用官袍入建章今代歐黃直有種向來沈鮑肯同行
只今五集三千首但覺熒煌錦繡張

芸閣登儒拜黼衣鳳凰來泊鳳凰枝待教黃閣調元去
整對青藜下燭時身到三山真得路君留羣玉幾題詩

館中有羣玉亭

十年前訪岷峩事也作書即慕左思

某丁酉歲備數館職

胡元邁編呂僊翁傳

工夫未達性中天九轉還丹漫費年至理本無多智巧
此公自有一神僊絕知開卷翁如在剩欲忘言意自傳

功行世間千百億諸天更辦筆如椽

同鄂州都統制司登壓雲亭

一帶城頭四望全壓雲亭上更無邊手攀北斗輕飛肉
目盼南樓僅及肩城郭千年高復下江湖萬里後還先

大江在前東湖在後平生頗負昂霄志便欲乘風送上天

張思濟縣尉荆舞翠亭

新築成時秋事高滿天風月下名堯佳名欲奪雙溪景
淡墨須煩六幅綃一簇穿楊誇箭羽幾番伐鼓動溪潮

此亭政合貪山水百里之間患已銷

題廟池上新荆瀛紅舞綃亭

高青遠綠映回塘菡萏菰蒲細細涼蘸水瀛紅羅襪渡
舞霓綃翠綺襦香瓊珠碎落風前雨蘭橈夷猶月下觴
老師如何太風味兩年池送殘陽

廟南新荆塵外亭

城頭拄頰俯橫塘塵外躋攀四面涼南瀆夜鳴江水
北窓曉浥芰荷香着亭盡得山川景攜客同甘醴盃觴

寄興江村家八九平分我欲卧南陽

和資深同游塵外亭韻

城南絕景半林端城北荷塘十畝寬
風月無塵頻入座江山吊古一凭欄
瀛紅淺露嬌啼臉綉翠輕颺醉倚干
日暮對花吟不足三翁步屨小橋看

用劉汀洲左顧亭韻

杖屨東風欲濫巾小舟重泊一亭春
醉看梅月無新語老與溪山作故人
意氣不驚雙白鬢功名忍負百年身

我來又續題詩柱敬為劉郎細拂塵

用陳和父太傅韻題江州高遠亭四首

鮮新棟宇出樓顛盡得江山四面全
高摘星辰風月夜遠迷河嶽水雲天
一湖尚想甘棠愛南湖名甘棠湖萬井誰呼

大隱屢見說松關頻却掃兩賢吟處日回旋

亭高未涉意先申五馬同來却報春
一笑孰知今在旅茲游端不厭居塵
分張好景因人重排撥佳篇逐日新
我是東州西上客也來吟作社中人

潯陽名郡敢言支最愛江山左右之松蓋前傾渾似故
詩兵捷出愈稱竒案頭朱墨無多事亭面東風足四時
相與平分賸遺愛未饒白傅去時思

久說匡廬喜整經遐觀但覺眼青青倚欄萬事雙頰鬢
撫掌千年一古亭珠玉名章方競賦江山喜色已先形
我來落筆真如助撩得詩狂不為醒

清暉閣

丁巳
再游

清暉傑閣幾朝昏吟咏曾喧白下門一別朱欄陪綺席

重來青草接荒村名章尚憶江秋句短些誰招月夜魂
老去情懷更蕭瑟懶從孤館覓清樽

會文堂

東帶峩冠集會文郡侯著語到諸君平居講習須朋友
退食工夫在典墳士學何先先尚志書生務業業惟勤
鷗鵬他日扶搖上共致雲霄慶策勳

善頌堂

庭前雲蓋碧巉巖堂上先生雪滿髯說藥客來聊下榻

謁齋僧去便垂簾種時法好花難謝買處錢多石易添
子舍光榮身壯健只將香火事華嚴

桂椿堂

樵李於門伯仲佳聲名藉藉到天涯一經早已傳韋氏
五桂今重說竇家滿眼衣冠真盛事幾年棠棣看聯華
蘭臺盍與編青史要使文風萬世誇

白雪堂

今代斯文只此翁乾旋坤轉獨孤忠千年此地江山裏

一日東坡翰墨中莫起黃泉空老淚可憐赤壁幾春風
瀟瀟暮雨雙雙竹白雪堂前忍醉公

知止堂

先生七十已垂車父子俱榮出帝都當世若無知止者
公朝何以勵貪夫升堂展卷人何在訪竹尋梅色尚臞
我老自憐生也後拊編猶得歎前摸

題韓元吉可止齋

平生我亦愛知休三徑如公最早謀歸意酒釀何切切

官情紙薄正悠悠書來誨語如親面別後光陰歎轉頭
更為蒼生須一起志功元自合封留

游揚子雲墨池

平隄修栢轉林塘飛蓋同升吐鳳堂後世有傳由準易
斯文無復數他揚草玄大啟天人奧池色猶關翰墨場
弔古懷賢尚遺恨不然晁董可相頡

遂寧府境內火池

澤中有火猶為革焰出方池更異常氣烈羣山酣土赤

陽潛深地液硫黃書生考訂言雖確造化工夫理甚彰
君看輿薪一杯水物因偏勝故為強

過廣安軍王恭父大著墓

與君執友共為郎尚憶松江送客艍在昔清班方袞袞
至今衰草恨茫茫百年名世嗟天喪一日修文在帝傍
雲櫛風杉空掛劍不勝老淚灑危岡

謁洪澤鎮龍祠

平生忠孝徹幽冥稽首龍祠鑒此誠自是白靈頻震疊

也知神力解因成片帆以往無多路百里之間只一程
目斷長淮嗟往事孤哀有淚落邊城

遊江濱廟用故侯吳龍圖韻

馬嘶楊柳泊林塘六月城南趁晚涼萬古叢祠千木暗
五風十雨一爐香翬飛棟宇新輪奐鼓奏犧牲薦豆觴
努力為民祈福地豐年今已格陰陽

劉德修殿院持節歸蜀

堂堂栢府幾人過屈指精忠竟若何正爾浮雲遮白日

賴公砥柱立頽波回天力挽千鈞重去國身輕一葉多
萬里長江向東去清明無日可鐫磨

過忠州鄩都觀

古栢修篁萬木顛盤山百折叩真僊便疑腳踏如來地
已覺身遊洞府天空翠遐觀浮海日偃雲時汲濯纓泉
我來只恨無僊骨未必丹爐不再燃

和野堂僧子惠韻

與公林下昔聞人別後書來意轉親老去興懷空繾綣

詩來得句愛清新
眼看吳地千峯月
心在苕溪一釣綸
猶得支郎消息好
錦囊時寄筆端春

堅老住廣福

高僧七十未龍鍾
飛錫飄然百里中
正欲逢場施手段
不妨臨老入花叢
把茅便可傳宗旨
一鉢由來是祖風
直要空門高着眼
看渠拍手任西東

飯西湖堦率寺

風爐煮餅梵王家
一日平湖十里賒
遊子政須供杖屨
老僧應有痼煙霞
絕知咳唾新珠玉
想見冰霜遠齒牙
我恨三山無路到
望中贏得眼昏花

題淨相寺

清詩冷閣更佳名
一段家風太瘦生
東老懸知有餘樂
西湖今可問前盟
年來信覺青山好
老去休驚白髮更
欲識箇中無盡意
挑包急急看吾行

過懷安軍雲頂寺

拂雲絕頂俯金因
直上重山最上顛
一佛嚮來臨大地

萬松今獨近高天
枯楠夭矯渾生意
斷石盤陀幾合年
大士重來聞囑付
毫光端欲掃腥羶

五言排律

善頌堂

家法傳忠孝朝英仰正平
抗詞嚴廟制勇去樂親榮
一室從新扁羣公詠落成
清風天籟靜斜日雪山橫
養志閔曾重浮名廣受輕
聞風千載下凜凜萬夫驚

和程泰之閣學春雪韻

妬臘三呈白欺春六出花
玉層渾欲墮珠霰一何奢
巧態穿庭樹餘寒戀釣槎
積難殊未密散易已成賒
有客門間卧何人帳裏遮
淺斟羞獨舉低唱敢言譁
故壓梅花信猶先柳絮斜
晚漸方歷亂夜櫓正呶啞
剩把新年雪初烹改火茶
剪裁歸妙造比興屬詩家
應有呵纖手朝窻學畫鴉

飲寓隱軒

軒亭曉清曠行樂未妨頻
無客不堪醉有花長是春
憑

欄尚紅藥結伴擅芳辰笑駐凌波步香分折角巾鶯聲
殊自健杏子况嘗新仰止宗英伯來為鄭驛賓言辭獨
樂樂仍命可人人鴻弄舞時影梁蜚歌處塵棋枰誰得
雋詩筆自疑神敬倒何妨屢歌呼却甚真升沉塞上馬
容易鬢邊銀奈許追歡地回頭迹便陳